

UMWEO

 Loleshenifye pa bana abanono. Owe, owe! Ubusomboshi bwa mailo. Namwishiba, Ndetontonkanya ukutula limbi ifwe tulifye ibumba lyaseka ilya pe hema pano. Lelo nga kuti kwaba, nga kuti cacitika, kuti kwaba umuntu umo pano, uyo emuku wakubalilapo ukuba naifwe, ifwe icine cine tulefwaya ukumisengela. Kabili tulefwaya ukubika mukutambalala ifyo tubika abana kuli Shikulu.

² Mwamona, muli Baibele, inshita ishingwi twalikwata abantu ileelo, abapanga inshila ya fyo balingile ukucita ifi fintu. Lelo ifwe fye, pano, twesha ukwikala ukulingana nefyo i Cebo cakale icapalwa ci cicita, kabili lyena, kabili, tacikota, cena lyonse caba icipya pantu cena ninshila yakwa Lesa iyakucitilamo ifintu.

³ Nomba lintu Kalubula wesu uwapalwa ali pano, Shikulu Yesu, lintu baletete kuli Ena abana abanono mukubomba umulimo, nangu umucinshi uyo ulingilwe ukupelwa ku bana abanono, mulandu nshi, Ena alibasendele mu maboko Yakwe no kubapala. Kabili Atile, “Lekeni abana banono bese kuli Ine, pantu u Bufumu bwa mu Muulu efyo bwaba.”

⁴ Kabili baletete abana abanono no kubapela. Mu mashiwi yambi, bena babapele fye kuli Ena, kabili Abapalile. Kabili nomba twalishala, nge Chalichi, ukutwalilila no mulimo uo Acitile ilyo Ali pano pesonde. Kabili ico eco twesha ukucita.

⁵ Kabili mucine natukwata ibumba lya bana abanono abasuma abo balambalele pafifuba fyaba wishi, luno lucelo. Kabili fye. . .Umwana munono uwakwa Munyina Junior. Na Junie, naumbi Junie pano, umunono uwakwa Weber. Kabili—kabili uwakwa Munyina Stricker umunono. . .Natumone, Ndecetekela uyu umo mukashana; umukashana, no mulumendo. Abakashana babili no mulumendo. Cisuma. Ico cili bwino. Nomunono umo palya, bushe mwalikwata, nangu ena eshile fye pamo na imwe. Ico cili bwino.

⁶ Ukuba, Ndi uwasangalala kabili uwansansa ukutula Shikulu alipala amayanda yenu nefi ifyabupe ifinono ifya kutemwa. Namwishiba, ilyo caisa ku cifulo cakutula—cakutula abanakashi tabatemenwe abana, nakabili, bena tabali nakabili abanakashi, mu matontonkanyo yandi. Nalitemwa abana abanono, kabili—kabili caliba cintu cimo pali bena.

⁷ Umwana wandi umunono kunuma kulya, ena ali. . .Meda atile, “Iwe wali umukote nganshi ukukwata ulya.”

⁸ Natile, “Iyo, ilyo Lesa abatuma, bena baba fye pa nshita.” Ico nacilungama. Bena baba fye filya fine pa nshita. Kabili eico Nalishiba ifyo cipilibula, ku ng’anda.

⁹ Kabili abantu abengi abacaice, batila, “Ukuba, ifwe teti tukwate abana. Ifwe twalalolela mpaka tukafike pantanshi, kabili nafimbipo.” Nga fintufye Lesa abatuma, bapokeleleni, pantu baba muntambo iikaka imitima na mayanda capamo, abana abanono.

¹⁰ Nomba, twalaenda na bakalamba pano, nga kuti mwacita ico, kuli uyu muntu umunono pano, ukuba ali kukulyo kwesu, ukushininkisha. . . [Pali tepu tapali amashiwi—Kale.]

¹¹ Umukashi wandi na Ine, kunuma kulya, twalikufwaya mu Arizona, imilungu iinono iyapitapo, kulya ku Parker, konse konse, ukwesha ukukusanga, kabili twafililwe ukucicita. Kabili banjebele ukutla wali kulya ukwakusungila ifintu ku lubali lumbi ulwamumana, kulya, eico Nalukupushile. Kabili Naumfwile ukutla umukashi obe alilwele, kabili Naebele Munyina Hooper ukukweba ukumuleta kuno pakutla twingapepa pamo nankwe. Tuli nokupepelako abalwele, kano. . . fye nga nalwalisha icine cine, uwalwala icine cine kabili alekabila ukumupepelako nomba line.

¹² Tuli nokukwata u—umulongo mukashita fye akanono, panuma fye nga Nalandako panono. Nangu, bushe wacipilibula ukutla nande, Munyina Neville? [Munyina Neville atila, “Ee, mukwai.”—Kale.]

¹³ Icakubilisha cimo ico Ndefwaya ukupanga muno lucelo. Kabili, nomba, ifwe tatwalande panshita iitali, kabili nomba limbi ukupwisha ico munshita yabushiku. Kwali uku ukubilisha, uko Ningafwaya. . . Nga cakutla umuntu uuli onse ekala muli cino cifulo, ukutla kuti baba abashininkisha ukulanda kubena mupalamano pali ici. Abena mupalamano balantumina kuno. Ukucilapo umo, pacipanda, alintumine ubushiku bwafumineko, kabili cali palwa balumendo ukuteya umupila pancende pano. Balitoba iwindo, balitoba icibi cakwata ama galashi, bali onaula ibala. Atile. . . Abana banono, abena mupalamano bonse balishiba ukutla bena balafwaya ukwangala. Mucine. Bena banafye. Lelo baliposele umupila wabo ukutoloka umusebo kabili—kabili baonawile amabala yabo nefintu. Kabili Ndetontonkanya ukutla muli abana abaume abanono muno, mu bena mupalamano, abo ababikilwe muli ici.

¹⁴ Kabili bena—bena baliba abasuma nganshi kuli ifwe. Tabatala abailishanyapo, abena mupalamano, inshita sha bushiku. Kabili tulaba abacongo panono ukushinguluka kuno, namwishiba, munshita ya bushiku, lelo takwatata akubapo nangu cimo pali cena. Kabili namwishiba ifyo bena bengata cita; bena kuti batalikishanya pamo naifwe na cena, nga balefwaya ukucita. Kabili ifwe twacetekela ukuba fye aba mutende pamo na bena mupalamano besu, kabili pamo. . . “Ikaleni aba mutende na bantu bonse, ukulingana ngefyo mwinga cita.” Kabili, eico, tulefwaya ukucita cilya.

15 Kabili, nomba, nga takwali incende imbi mu musumba, nangu ukuli konse uko abaice bengateyela umupila, kuti twamona nga teti tukule ilinga ilikalamba ilitali, ukushinguluka, pakutila umupila teti uleya ukutoloka nokucilinganya kabili ukucusha abena mupalamano besu. Lelo, kuno kwine ku Ingramville, kulya kwine, balikwata icibansa cabantu bonse ica mupila, ica bana bonse, nefifulo fya kwangalilamo ifyabo ifya kwangalilamo. Pa mulu fye wa Eighth, pa nshishi palya, balikwata ifibansa fyonse ifyamusumba palya, ifyakuteyela umupila nangu fyonse fimbi ifyo mulekabila ukuteya.

16 Nshacipanga ubusalo. Nacicileta kwibumba lyabakalamba bamu chalichi, muno lucelo, nokubepusha ico tufwile ukucita, pakutila twingaba abamutende na bena mupalamano besu, kabili nokukwata ifibusa fyesu nefintu fyonse, kabili abantu besu kuti baumfwa. Kabili nabasala ukutila limbi kuti caba icintu icisuma kuli ifwe ukukana kwata abalumendo ukuteya umupila nakabili pa mushili. Pantu, ukutila kuti caba. . .

17 Tekutila tulesakamana pali bena ukucicita; ichalichi taciasakamana, mwe, akali windo akanono, ulubuuto inshita imo mu kashita. Lelo tulingile ukutontontokanya pa bena mupalamano besu, pamo, namwishiba. Tulingile ukutontontokanya pali bena. Kabili tulefwaya ukwikala nga bashimucindikwa abena Kristu abaume na bana mayo. Kabili ifwe fye. . . Bena bali no ku. . .

18 Nalibebele, inshila fye imo benga citilamo, ifwe kuti twabika fye icishibilo icinono, ukutila abalumendo tabalingile ukuteya umupila palya. Kabili bena. . . ifwe. . .

19 Nomba, nga abali bonse pa bena mupalamano muli muno, ukutila abana benu bale angalila pali cino cifulo, Ndi uwashininkisha ukutila muleumfwikisha, mwamona, ukutila tatulefwaya amalamy yesu nefintu, kabili naba kapokola pano kuno lubali, nangu icintu cimo cimbi, palwa kutoba ama windo, amalaiti ne fintu.

20 Kabili imwe mwe balumendo abanono, nga abalumendo benu abanono bali kunse kuno, nabakashana abanono, baleteya umupila, kabili bamona icishibilo panse palya ukutila, mwiesha. . . “Tekwesha ukuteya umupila.” Ukuba, nomba, tatulepilubala ukuba abankalwe ku bana; lelo tulefwaya ukuba abacindikwa kubena mupalamano. Umuntu onse ali nokukutuluka ico, Ndi uwashininkisha.

21 Kabili Ine teti mpange ubo ubusalo palwandi. Nacipusha ibumba lyabakalamba ukwisa muno lucelo, nokubepusha bena. Kabili kulya kwaciba kusala kwabo, pamo, ukutontontokanya ukutila tulingile ukwikala abamutende na—na bacibusa besu.

22 Kabili nomba balikwata incende ya mupila kuno kwine fye, mupepi fye nefikulwa fibili ukufuma fye apo tubebelele nomba,

ilikalamba ilikulu ilibwe lya diamondi, kabili eico imwe kuti mwateya umupila onse uo mulefwaya ukucita.

²³ Nomba, abantu ukulaenda uku no ku ukupita mulya, cilya tacilepilibula cilya, kuli bena ukukana pitamo nangu icintu icili conse; cilifye bwino umupwilapo.

²⁴ Kabili ubushiku bumo, Ndesubila uku, Shikulu nga asuminisha, na Yesu akokola ukwisa, ukupanga i—icifulo ca kwimikapo imyotoka icasuminishiwa ica chalichi palya, nga tatukuulile ichalichi icikalamba, no kubikapo. Kabili nga ubushiku bumo i... Mulandu nshi, ukubwelela kunuma, eico cikaba icikalamba, ukukwata umulimo kuno, mulandu nshi, Munyina Neville na Ine ifwe bonse babili kuti twaba muli cena, nefyaba ngefyo. Kutu twakula... Ukubomfyafye cilya cifulo ku chalichi icikalamba, nokukulapo ichalichi icikalamba icikulu pano, nokucibika muli ulya musango. Eico, ifwe—ifwe twashitile cilya ilyo twali nokushita.

²⁵ [Munyina Roy Slaughter alelanda kuli Munyina Branham, ukupela icimbaya mbaya cakwe ku kutunta amabwe yamo—Kale.] Natotela, Munyina Roy, ico cisuma nganshi, nga cakutula, nga cakutula bena kuti bapanga ubusalo pakupanga cena, nga cakutula bacipanga ukuba icifulo ca kwimikapo ama motoka, ico kuti caba fye e cintu ca kucita. Ico cawama nganshi. [Munyina Slaughter alelanda nakabili.] Ee. Ee. Ee.

²⁶ Bali no kutukanya ukwimikapo ba motoka... Twalikwata, kale, kulubali lumu ulwa musebo palya, eico tulingile—tulingile ukupangapo kumo—kumo ukuiteyanya. Kabili icine cine, ici cifulo, ici cifulo ca kwimikapo ama motoka pano pene, cena ca musumba. Ico nacilungama. Icesu... Twakwatafye iinono nganshi incende palya, iishifikile *palya* ubutali, mpaka twafika mu musebo palya pene. Umusebo mu cine cine wisa ukupita mu ng'anda yakwa Brakeman kulya, kabili wisa bwino bwino panshi no kwikata mulya, iyo e nshila ya kupitamo, pantu ici cali cishiba, kabili, imyaka iyapitapo, ilyo baciswishe. Kabili ilyo impanga yesu yapiminwe, twabafye kumbali ya musebo wakupitamo abantu, palya pene, mwamona. Eico, ifwe tatwakwata incende yakuntanshi. Cilya caba fye mucinshi wa musumba palya nomba. Kabili eico ici cikaba cesu, kunuma *uku* lubali.

²⁷ Eico, lyena, Ndi mukati, -pakati, nefyaba ngefyo. Kabili Ine, oh, Ndi m—m—mwela fye wa ku masamba, Ndecetekela efyo bacita, nangu icintu cimo. Ine—Ine teti nsumine fye ku cintu nangu cimo. Kabili, lelo, limbi kuti caba ukutula ubushiku bumo Shikulu kuti alanda kuli ine ukwisa kuno nokukulafye kuno, ihema ilikalamba ilikulu, nokuleka abantu ukufuma muncende isha lekana lekana ukwisamo. Nga cakutula kuti caba ifyo, tuli nokukabila ico. Eico, mwamona, tatulefwaya ukushitisha cena nangu ukonaula cena. Tulecita, tuli nokucisushamo,

nokucipima bwino, nokubikapo ichalichi ukuya mu mulu, nama sitepu yakwishila muli cena, nefintu fyonse. Kabili ico cili nokusakamana ubwafya bonse, mwamona. Kabili—kabili Ndi uwashininkisha ukutula Shikulu akapela cila senti ya ciko, ilyo fye tukaba abaiteyanya ukucikula. Mupepi no mwanda umo na makumi yasano, icifulo cama dollar amakana imyanda ibili, nokukwata imiputule yesu iya kubilishishamo na fyonse fimbi pano pene fye, nokulongana ukulatwalilila, inshita yonse. Eico, ifwe tatwishibe ico Shikulu wesu ali nokucita. Ifwe tulepepela fye pali ifi fintu, kabili ukusabankanya imbila nsuma nefyaba ngefyo.

²⁸ Kabili inshita shimo Ndalanda kuli Shikulu ukutula, “Ukuba, Mwalikwata Oral Roberts na Munyina Allen. Kabili Mwalikwata Billy Graham na bonse kulya. Busuma nshi Ndecita nangu cibe ifyo?” Lelo fye. . .

²⁹ Ningile fye ukucita ifyo Alenjeba ukucita, mwamona. Eico, Ndi fye ngo kwikala fye tondolo pali cilya. Nomba, umuntu onse ali nokukutuluka ico, Ndi uwashininkisha. Kabili Shikulu amipale.

³⁰ Nomba, natumone. Yena inshita naipwako panono, eico ifwe twalabikapofye isukulu lyapa Mulungu, limbi, nokushimikila, capamo, Munyina Neville? [Munyina Neville atila, “Ee.”—Kale.]

³¹ Kabili tuli abansansa ukumfwa pa mwana wakwe, pamo, bushe teifyo? Owe, umusuma nganshi! Kabili ukutula ena ni kasesema umwanakashi. [Munyina Neville atila, “Nga cena cintu icili conse.”—Kale.] Cisuma. Ukuba, tuli—tuli abansansa pali aba bakasesema abanono, mulemona, ne fintu fyonse. Ndetotelafye Shikulu pali bena.

³² Namwishiba, abanakashi balefula muno mucalo, nangula, namwishiba. Ico eco tuletontonkanyapo, mwamona. Ndetontonkanya cena cili—cena cili nalimo fitatu ukufika pali fisano. Batatu. . . Ukufuma mu bana basano abo abafyalwa, batatu muli bena bakashana. Kabili abanakashi baleya balekula; abaume baleya balecepelako.

³³ Abanakashi balepokolola ubutungulushi. Mucine, cena e nshilafye nobusesemo bwa bushiku, ukutula cino calo cena calo ca mwanakashi. Cili nokutungululwa no mwanakashi. Kabili ibukisheni, sate- . . . 1933 Nalimwene cilya ukwisa mucimonwa, umwanakashi umukalamba uwa maka akesa senda icalo conse, ubushiku bumo, cilya cishinka nganshi, ilyo nshita ya mpela tailafika, ilyo takulaba ukonaulwa umupwilapo.

³⁴ Ama motoka, muli bulya bushiku, yakaba ayapangwa kwati lini, ukuya kunuma kwati, muli iyi imibele palya. Kabili yena ikalatungululwa na maka yamo, ukutula yena tayakabomfye umupeto, pa nshita shimo. [Munyina Branham alisha umunwe wakwe umuku umo—Kale.] Kubika fye yena, no kutwalilila nga

filya. Mwamona, ilyo takulaba ukonaulwa umupwilapo! Nomba, muleibukisha, cilya cili, nomba, cilya calyambulwa. Mwamona?

Kabili abanakashi bakapoka ubutungulushi. Abanakashi bakapoka ubutungulushi.

³⁵ Kabili—kabili isambilisho lya chalichi ca Katolika, ilyo lyonse Nanda ukutula lili nokutebelela United States, cena cili fye mupepi na nomba. Mwamona? Ukupepa kwa mwanakashi, Maria, uyo waba ni lesa umwanakashi, kabili uyo waba uwapusana kuli Baibele. Kabili ukupapatilako na bafwa, ico caba icapusana kuli Baibele. Kabili fyonse ifi fintu muno, kabili ukulaya fye pantanshi.

³⁶ Kabili inshita shimo Ndatontonkanya, mukwishiba ifi fintu, ukutula Ningile ukukwata icifulo apo Ngingekala nokutendeka ukufunda, namwishiba, noku—nokucilekafye ukutwalilila, ngefyo. Kabili nomba, mu machalichi nomba, Nshikwanisha ukuya lelo ma ora fye ayanono kabili ukupepelako abalwele, nokuya; kabili ukutinta fye, ukupepelako fye abalwele. Kabili kwalibako nacimbi kunse ya kupepelako abalwele, muli Baibele, namwishiba. Ee. Ifintu ifingi ifya—ifya kucita.

³⁷ Ndefwaya ukubilisha ukulongana mu Canada, kumo ukulongana ukusuma uko twatalile ukukwatapo mu calo ca North America. Nshatala, mumweo wandi, (Mista Mercier ali nokucilemba, na bena), ukucimona cacitika ngefyo cacitile pa kulongana kwaku Canada. Kabili, mucine, abantu ba Pentecosti balinkana apabuta. Ifintu fyonse ifyaliko kulya fyaba Baptisti naba Anglicani, kabili na fimbipo. Ukuli konse, ba Pentecosti balinkana, pantu Nshakasumine “icishininkisho” ca Mupashi wa Mushilo, ngo mulopa ukukonkoloka mu minwe yobe, na mafuta ukukonkoloka mu minwe yobe, nefintu ifyaba nga filya, kabili ukumona imikolamfula, kabili nafyonse filya fintu. Ifyakumfwa umfwa tifyakuma kwi pusukilo, awe nakalya. Ifwe twisa mukushintilila ku citetekelo. Ifwe twalicetekela Lesa, kabili—kabili cilya eco. Mwamona? Kanshi, eico, balilembele amakalata, kuntanshi, ukuya mu Canada, kabili ba Pentecosti baishile monekela fye nga filya, lelo nshali nokukwata ukumfwana nangu icintu cimo icakucita mukulongana, pantu Ine teti nsumine ico. Kabili eico Ine ncili. . .

³⁸ Te mulandu noyo ulesumina Cena, nangu ico icicita cena, Njikala na Baibele ya kale iya palwa. Amen. Ici Cebo cakwa Lesa. Kabili nga tuli no kwiminina fweka, tuli no kwiminina fweka, ukukula ichalichi. Ico nacilungama.

³⁹ Nomba, ilyo tatulapalama ku Cebo Cakwe—Cakwe, katukontamike imitwe yesu pa kashita mwiwepo.

⁴⁰ Taata Mwebapalwa, icine cine tuli abatotela kuli Imwe pali ino nshita yesenge capamo pa Cebo, na aya mashiwi ya mushilo aya kwa Lesa. Kabili lekeni, ilyo ifwe tulelyako kuli Yena, pa

kubelenga no kumfwa, lekeni Mupashi wa Mushilo asube Yena ku mitima yesu, ukutila, lintu twalafuma ileelo, tulelanda nga balya abalefuma ku Emmausi, “Caciba icisuma kuli ifwe ukuba pano. Imitima yesu yacilabilima mukati kesu, pantu Acilalanda kuli ifwe munshila.” Twaipusha ico mwi Shina Lyakwe. Amen.

⁴¹ Nomba, Ninsala, ileelo, nga cakutila cena bufwayo bwakwa Lesa, isambililo lyandi lilesangwa mu—mu . . . mulya mwi Buuku lya Malumbo, 63.

O mwe Lesa, imwe muli Lesa wandi; Nalamifwaya mukwangufyanya: umweo wandi uli ne cilaka cenu, umubili wandi uleumfwa insala kuli iwe mu calo icauma kabili ica cilaka, umo umushaba amenshi;

⁴² Kutikeni fye kuli kalemba wa malumbo!

Ukumona amaka yenu no bukata bwenu, nge fyo Na mumona umwashila mwenu.

Pantu ukutemwa kwacikuku cenu kwaliwamisha ukucila umweo, imilomo yandi ika mulumbanya.

Efyo Nkamupala ilyo Ndi no muweo: Ndi nokwimya ukuboko kwandi mwishina lyenu.

Umweo wandi ukekushiwa nga filya umutoto na mafupa; kabili akanwa kandi kakamulumbanya ne milomo ya nsansa:

⁴³ Nomba lekeni Shikulu wesu alunde amapalo Yakwe kuli ici Cebo. Isambililo lyandi muno lucelo lilesangwa mu *M-w-e-o*, ifilembo ifinono fine.

⁴⁴ Kabili nga fintu kalemba wa malumbo pano alelanda, Davidi, lyonse Lesa abomba no muntu ukulingana fye ne nshila amano yabo yendelamo. Nomba, Lesa abombele na Davidi, ngo mulemfwe wakatapa katapa namenshi ayatekanya, kabili nafimbipo. Kabili Davidi kunse kulya, panuma yakumona ubwikashi ubwingi, ifyo Lesa aikele mucimuti, kabili ifyo Aikele mumaluba, kabili ifyo Aikele mu—mukupongoloka kwa mulonga.

⁴⁵ Nga cakutila uuli onse alitala ukwenda mumbali yaka mulonga palya akapoma akanono kabela, nokumfwa kuli kulya ukupongoloka kwa kutwalilila! Oh, kuti Nalambalala palya nokusendama mutulo, ica angukafye. Nshatala nwapo umuti wakusendama mu bumi bwandi. Nalyeshiwa ukucicita, inshita ishing, mukulongana kwandi, ilyo Mba uwafulunganishiwa, lelo Lesa alingafwilisha ukufika apa. Lelo, Ndemweba, Ndecetekela cilya kuti cawamishapo ukucila umuti onse uwakulala uo bengakwata mwituka lya miti. Ukulambalalafye kumbali ya kupongoloka, kwa ka mulonga akanono, nokupepa pakashita akanono, kabili, “Nomba elyo Nalambalala,” nokulambalalafye palya. Oh, kwalibako icintu cimo pali cena ico cipela ukutusha. Ifyo Natemwa cena!

46 Kabili Davidi apa atiile, “Ine fye...Umweo wandi uli necilaka pali Imwe!” Kutikenifye.

O mwe Lesa, imwe muli Lesa wandi; Nalamifwaya mukwangufyanya: umweo wandi uli ne cilaka cenu, umubili wandi uleumfwa insala kuli iwe mu calo icauma kabili ica cilaka, umo umushaba amenshi;

47 Elyo atwalilila ukutila:

Pantu ukutemwa kwacikuku cenu kwaliwamishapo ukucila umweo,...

48 Nomba, takwaba nangu cimo, mukumoneka, icawama ukucila ubumi. Cinshi ico twingapima luno lucelo ico cingacila ubumi? Lelo, Davidi atile, “Ukutemwa kwenu ukwacikuku kwaliwamisha, kuli ine, ukucila umweo.” Nomba, tulasunguka, lyena, ishiwi umweo lilingile ukukwata u—u—ubupilibulo bubili kuli cena, bulingile ukupilibula ukucila—ukucila—ukucila icintu cimo. Umweo, uwine, cipilibula “ukubapo.” Eico, kanshi, nga “Uluse lwenu ulwa citemwiko lwaliwama ukucila umweo,” lyena ni cinshi icingaba icawamishapo? Pantu, Lesa eka ewakwata u Mweo wa Muyayaya. Lesa eka ewakwata u Mweo wa Muyayaya. Nga cakutula ifwe kuti twakwata ico icatambalala nomba, cena cili nokuba icaanguka kuli ifwe ukumona icikope icikalamba ico Lesa abika kuli ifwe, ifyo ukutula, ubushiku bumo, ukutula ifintu fyonse ifishili ifyakwa Lesa fikapwa no konaika, no kuya.

49 Nomba, ifintu fyonse ifyo fyakwete ukutendeka fyalikwata impela. Takuli nangu cimo ico catalile ukutendeka lelo ico cakwata impela. Lelo icintu cimo ico cishakwete ukutendeka takakwata impela. Kabili—kabili Lesa eka fye e Umo uyo wakwete “takwata ukutendeka.” “Ena takwete ukutendeka kwa nshiku, nangu ukupwa kwa myaka.” Kabili, eico kanshi, ifwe tulingile ukuba iciputulwa cakwa Lesa, ku kufyalwa, ukuba no mweo, ukukwata ukubapo ukwa Muyayaya.

50 Nomba, ulubembu nokucula, nefintu fyonse, filingile ukwisa ku cifulo uko fyena tafyakwata ukubapo, pantu fyena fyalikwete ukutendeka. Kwaliko inshita ilyo takwali amalwele, takwali ulubembu, takwali ubulanda, takwali imfwa, kabili elyo caishile ukupitila mukupilibulwa. Eico, konse ukupondamikwa kulingile kwapwa. Kabili fyonse ifyo fyali, fyalikwete ukutendeka, filingile ukupwa, pakutula u Muyayaya wingatala ukubapo. Bushe mulemona ico Ndepilibula?

51 Ico ecilenga ukutula cibe icakosa umupwilapo ku muntu onse ukupusuka kunse ya Kufyalwa ukupya. Pantu, abantu bafyalwa cipya cipya ku Mupashi wakwa Lesa, kabili besa mukuba ulubali lwakwa Lesa. Ukubapo kwabo kwa Muyayaya nge fyo Lesa aba uwa Muyayaya. “Bena teti bonaike,” Yesu efyo alandile. “Takuli nangu umo uwingabafumya mukuboko Kwandi. Bena bakwa Taata, Lesa.” Kabili takuli nangu umo uwingabasenda nangu ukubapatula, pantu bena baba lubali lwakwa Lesa.

52 Nomba tatuli nangu umo pali ifwe bakasambilila. Ndi—Ndi muntu uushaba, uushasambilila nganshi. Lelo, inshita shimo lintu Nafika pa mashiwi ngefyo, Ndacifwaya, ukufwailisha, kubulafye ilyo ishiwi limo. Nalikwata ifibusa na bakasambilisha ba Baibele abo abenga bula ici Greeki, nangu ici Hebere, kabili ukucipisha fye umuli monse ukupita mu Malembo. Lelo Mfwile ukucisendafye ishiwi ne shiwi, no kucifwailisha.

53 Kabili Nasangile ukutula, ukutula, lintu Atile, “Nabapela u Mweo wa Muyayaya,” lyafuma kwishiwi, ishiwi lyaci Greeki, Zoe, Z-o-e. Kabili *Zoe* ni Lesa, uwakwa Lesa Umwine “Umwego.” Kabili lyena, nga fintu twashininkishafye ukuba abakumako kuli Zoe, twikala u Muyayaya ngefyo Lesa abako u Muyayaya. Eico kanshi, pa kukumako ku lubali lwakwa Lesa, tuba abapalwa u Muyayaya no kupusuka, pe na pe, ukwabula impela, ukwabula intendekelo. Ifwe tuba ulubali lwakwa Lesa. Nga mwamona, ukutula uku ukutendeka ukukalamba, mwasenda . . .

54 Umo muntu alipusha ilipusho, “Ninani uyu Yehova mukalamba? Nipesa apo Atendekele?” Ena takwete ukutendeka. Ena lyonse ali ni Lesa. Kabili Aba . . .

55 Nomba, ishiwi *pe* lipilibula fye “iciputulwa ca nshita.” Lelo, u Muyayaya cipilibula “*pe*.” Lelo, *pe*, ishiwi *pe* mucu Hebere, cipilibula “inshita, iyabikwa,” pantu ili mubwingi, “*pe* na *pe*.” Mwamona? Ico cipilibula ukutula babili ba *pe*. Mwamona?

56 Lelo, mu Muyayaya, caba cimo, icapwililika. Umuyayaya caba i—icakushinguluka ico icishakwata impela. Tacatalile acikwata ukutendeka kabili tacakatale acikwata impela.

57 Kabili ifyo ukutula, mwisonde, twalishiba ukutula kwaliba icituntulu, umupashi uwacine uwakutemwa. Kwaliba icituntulu, umupashi uwacine uwacumfwila. Kwaliba uutuntulu, umupashi uwacine uwa cishinka. Nibanga abaishiba ico? Twalishiba ico. Tulacimona. Ukuba, uyo ni Lesa, a—akafukauka kene.

58 Leken i twisale amenso yesu, ku kwelenganya kwesu, pa nshita iinono, no kubwelela kunuma mu . . . ilyo takulaba icintu nangu cimo.

59 Akafukauka akakalamba aka Muyayaya onse kali ni ulya u Mupashi uwa kutemwa, ukusangalala, ulyo Mupashi uwa bufuma cumi, ulyo Mupashi uwa bucishinka, muli uku kupwililika. Kabili lyena, ukufuma mukubapo kwa kwa Taata, mwafumine Logos, uyo wali Mwana, uyo wali mubili wa Bumalaika, ico icali Mubili wakwa Yehova Lesa mukalamba, uwaile mu Mubili uushifwa. Iyo e Logos. I Cebo calandile ukufuma muli tulyo tumfuku mfuku utukalamba utwa Mweo, kabili caile. Kabili kulya kwali u—umubili wa bu Malaika, uyo wali ni Lesa ukulengwa mu Cebo.

60 Elyo ulyo mubili wa Bumalaika waishile lengwa umubili, mu muntu Kristu Yesu. Elyo kabili umwisulo onse uwa bu butatu

waikale muli Ena, fyonse fibili Taata, Mwana, na Mupashi wa Mushilo, fyonse muli cilya.

⁶¹ Kabili iyo e nshila ine iyo tupitamo, kubwelela ku kutendeka kwa kubalilapo, ukwa kwa Lesa. Kulya ifwe tulafyalwa cipya cipya, teku mubili; ukufyalwa cipya cipya, teku mulopa; lelo ukufyalwa cipya cipya ku Mupashi. Kabili muli uyo Mupashi wa Muyayaya uwa kutemwa no bufumacumi, wisa panshi ku kupanga icifulo Cauko muli ifwe.

⁶² Kabili nomba lintu twafwa, ukufuma muli uyu umweo, tulaya mu mubili. “Icili, ngacakutula ili ihema pano isonde lyaonaulwa, natukwata umubili wa bumalaika uwakwingilamo, umubili wa mu muulu.”

⁶³ Nomba, pa Kwisa kwakwa Shikulu Yesu, uyu mubili wafumishiwa pe sonde nakabili, no kulengwa mu mibele ya bukata, ukwikala mu Kubapo Kwakwe umuyayaya.

⁶⁴ Lyena, ukupondamikwa konse, ifintu fyonse ifyo fyali mukupondamikwa, fyonse kufuma mukubapo. Umubili uya mukukandwa kwauko. Imbo ilesula akanwa kaiko no kumina ububi bonse no kupondamikwa. Kabili Lesa ne Chalichi Cakwe icatemwikwa, Nabwinga Wakwe, basenda ukwiminina kwabo pa Muyayaya ukulatwalilila. Lilya e subilo ilikalamba ilya Chalichi ca bwina Kristu.

⁶⁵ Kabili Davidi abilikishe, “O ukutemwa Kweni kwaliwama kuli ine ukucila umweo.”

⁶⁶ Nomba, umweo, umuntu onse alefwaya ukutontonkanya pa mweo. Kabili umweo, ishiwi *umweo*, lyalikwata ulubali ulwapondamikwa kuli lyena, pantu ukutula nangu umweo uwine walikwata ulubali ulwapondamikwa. Kabili inshita ishing, abantu bafwaya ukusontelela ku bumi ngo kukwata inshita iikalamba, ukunwa, ukukalipa, nokufumina panse. Batila, “Uyu e mweo.” Ifyo baba mucilubo. Ilya nimfwa. Mwamona? Te mweo. Nimfwa.

⁶⁷ Imilungu iinono iyapitapo, kulya mwi hotela lyaishibikwa mu—mu Canada umo bena bambikile, Naile mu muputule wandi, panuma ya kulungana kwandi, kabili kwali abanakashi abace, limbi mu myaka yabo iya kulekelesha iya bupungwe, ikumi limo na cine konse konse, ikumi limo na pabula, limbi ukufika ku amakumi yabili na yatatu, pakati palya, batatu nangu bane balebutuka ukuya uku noku panshi, nefyakufwalafye fyabo ifya mukati nabafwala, na mabotolo mu minwe yabo, balebutuka ukufuma mu muputule umo ukuya kuli umbi, abamoneka abasuma, abanakashi abacaice.

⁶⁸ Ilyo Nafumine mucikwepe, Naiminine no kulolekesha. Oh, mwalimo Icintu cimo muli ine! Natontonkenye, “O mwe Lesa, bushe Rebekah wandi munono nangu Sarah bakatala ukwisa kuli cilya?”

69 Kabili Naloleshe pali bena. Balepempenuka panshi. Naingile fye, ku lubali lumu, kabili bapitile nokuya pa ntanshi ukufuma, baile mu nshila imbi, balenwa. Naiminine, ukupita mucikulwa, naloleshe panshi nakabili, namwene abanakashi abanono abatemwikwa abo kuti limbi baba umutemwikwa wa cine cine ku mwaume umo. Kabili Naumfwile umo muli bena aletila, “Whoopee! Uyu e mweo!”

Natontonkenye, “Ifyo cilya caba icalubana! Ilya ni mfwa.”

70 Pantu, Baibele itila, “Uyo uwikala mumaimemene aba uwafwa ilyo acili no mweo.” Eico nomba tulesanga ukutila, ulya umweo, ico twita umweo. . .

71 Kabili tulamona ifishibilo ileelo, ifyaba ngefi, “Ukuli Budweiser, kuli ubumi.” Ifyo ico caba icapondamikwa! Ukuli Budweiser, nimfwa.

72 Kabili tulamona ifishibilo ngefi, pamo, “Ubwikashi butendeka ilyo akasuba kawa.” Iyo. Imfwa ilatendeka ilyo akasuba kawa. Abantu basanguka abakubendeleda aba bushiku. Babendeleda mu bushiku. Kabili nga mwamona, babula imibele ya bubifi. Ububifi lyonse bulabendeleda ubushiku.

73 Kabili Nabelengele iciputulwa cimo muli magazini, inshita imo ilyo Nali mu ndeke. Calelanda pali Hollywood. Kabili yatile, ukuti, “Ubwikashi butendeka panuma ya pakati ka bushiku. Ulingile ukwisa mu misebo shimo ne fintu fimo.” Kabili cakwete icikope ca fyakulangisha ifyakufula, na fimbi, ifyo filakonkapo.

Kabili Natile, “Ifyo cilya caba icapondamikwa!”

74 Mulemona, nga Satana alikwata ubufumu, ena alingile ukukwata ubunonshi bwa bufi. Ena alingile ukukwata icintu cimo ico ena engapela kuli bena, ukubalenga ukutontankanya ukutila bali no mweo. Lelo cena mucine cili kulubali lumbi. Cena nimfwa, mumusango wamweo. Mwamona? Cena kupondamikwa ukufuma kubwikashi bwacine.

75 Pantu, lekeni tupwishe ici mu mano yesu nomba, umuku umo kabili umuyayaya. Kwaba fye inshila imo iya kukwatilamo umweo. Cilya cishinka. “Kabili uku Mwishiba Mweo.” Iyo ine enshilafye imo iyo twingakwatilamo u Mweo, kabili takuli inshila imbi, pantu Lesa alilayafye u Mweo ukupitila muli Yesu Kristu. Kabili Yehova mukalamba, uushakwata intendekelo nangu uushakwata impela, uwabula—uwabula intendekelo ya nshiku nangu impela ya myaka, natupela u Mweo ukupitila muli Yesu Kristu, kabili Enafye eka.

76 Teku Mwishiba fye ngo muntu umusuma; teku Mupepafye ngefyo Engaba, ka—ka—ka lesa, ico Ena aba ni Lesa. Lelo, icintu cakucita ku Mwishiba. Cilya eco. Teku Mupepa, lelo, “Uku Mwishiba mweo.” Ifiwa fyali Mushinshimwine. Mucine. Ikufi lyonse likafukama kuli Ena.

⁷⁷ Lelo, “ukwishiba Ena,” mu kwelelwa kwa membu shenu, nokulenga cipya cipya ukwa mweo obe, ukupitila mu Mupashi Wakwe, kalya kafukauka akakalamba aka ntulo yonse iya busuma ukwikala muli iwe. Lesa ukumulenga ukuleta ifisabo fya kutemwa, ukusangalala, umutende, ukutekanya, ubusuma, ukunakilila, ukuteka umutima, ukushipikisha, icicetekelo, kabili na yonse ilye mibele iikalamba iyo yafuma kuli Lesa eka. Iyo enshilafye yeka iyaku kwatilamo u Mweo.

Eico, ishiwi lyakutula *umweo* lyapilibulwa mu nshila iyabipa kuli ifwe.

⁷⁸ Nomba, ifwe, ico twita umweo, umuntu umo akasenda motoka iipya, nangu bena bakaya mulya mumusebo, kabili bena bakacitafye *whiz*, limbi, necakunwa muli bena, kabili amaboko yabo ukukumbatila umukashana, kabili umulumendo umunono akatila, “Uyu e mweo!” Kabili umukashana, pamo na cibusa wakwe umulumendo uo asalapo, kabili nakwata necakunwa cimo nangu fibili, kabili akatila, “Uku e kwikala!”

⁷⁹ Nangu, limbi umwaume uyo lyonse uwalefwaya ulupiya ulwingi, kabili, mu kupumikisha, aba impyani ku ndalama ishingi nganshi. Akakula ing’anda iikalamba. Akasenda motoka iisuma nganshi. Akabilikisha ukutula, “Uku ekwikala!”

⁸⁰ Umwanakashi umupiina umunono uwa kuwasha pamo na bana bakwe. Ena akaya pa bulendo ku Hollywood, kabili ena akaba “na mfumu wa bushiku bumo,” pa butantiko bumo, nangu fimo pali ifyo fintu, nangu ukuwina iciputulwa cimo ica fipe. Cikamusansamusha, ukufika ku cifulo mpaka akatile, “Uku ekwikala!”

⁸¹ Lelo ifyo caba icapondamikwa cena! Ilya ni mfwa. Kabili balya bakonaika abo abakwata cena. Kabili ifwe tulemona, ileelo...

⁸² Nomba kuti Naba fye panono uwa munshita yakale pali ifi fintu, nokwesha ukupita mumbali nokupuma mukukosa, lelo cena mucine... Amapange ya eiko, ku kulangisha icikomo.

⁸³ Nomba, abengi, ileelo, balolesha pa butantiko. Bena balakutika kufya ambulwa. Baya mu fifulo fya kulilamo ifinono, kabili teti mulye mupepi pa—pafya ambulwa ifisuma ifyo balisha, ifya uku kushana kwakuya kuntanshi nakunuma na—na boogie-woogie, na fyonse filya ifisuma, ifya fang-tango, ifyapangwa na ciwa, ifyaputwamo nengulu. Kabili, oh, Ndesunguka ico icili nokuba icakulekelesha lintu bena bakasanga ukutula tacaba icaikatana pamo na ulya Umo uwa Muyayaya!

⁸⁴ Ndatontonkanya, pali bulya bushiku ilyo akasuba kakaana ukumoneka, kabili inshita yonse yaiminina shilili nokusungulukila mu Muyayaya, Ine kuti naelenganya ukutula Elvis Presley akaba uwatenshiwa nganshi, pali lulya ulucelo. Mucine nganshi. Ee. Ilyashi lyakwe likaba ilituntulu, ilyo

ena akomfwa ukulila kwa myeo ba milioni iyo ena atumine kumbo. Amakobili amakumi yatatu aya silfere aya kwa Yuda yalelila pa mbale, cikaba ica kusekesha, ukufika ku lubali lwa nshita ya kwa Elvis Presley iyaonaulwa, pali ilya nshita ya lucelo. Pantu, Yuda acitile ico pantu cena cali kufikilisha a Malembo, ukulubula umuntu. Lelo Elvis Presley apilibwile icintu icalungama, ilyo ali umwina Kristu, kabili ashitishe ububeli bwakwe ku myeo milioni umo kumbo.

⁸⁵ Kuti naingililamo, Arthur Godfrey, naba Godfrey banono bakwe bonse, bakaba kulya lulya ulucelo, pamo, naba blonde bakwe, abacinyamuti, nabamitwe yakashika. Kabili cikasenda ukucila pali “nakucelela Maria” ukutala ukuwamya umweo wakwe uwafiko na kampingu wakwe, mu Kubapo kwakwa Lesa. Ilyo aumfwa nga, filya, imipulwe ya lamba nefya kusekesha, ne fintu ifyo atungululako amamilioni ku mbo, kuli cena.

⁸⁶ Kabili beta cilya, “u Mweo.” Cinshi, cena ni mfwa, kabili bena tabacishiba.

⁸⁷ Nomba moneni, muli ici, ici cintu ico mwita “umweo,” ciba icabulanda nganshi mpaka, inshita ishing, abantu balaipaya. Eico, ico teti cibe u Mweo untu Lesa alelandapo, pantu imwe teti musende u Mweo wakwa Lesa, kabili teti imwe mupele u Mweo wakwa Lesa. Ico cibikwa pa mulandu wa luse lwa bufumu mu minwe yakwa Lesa eka. Lelo ici icinono icifwa, icintu icapilibulwa ico imwe mwikalamo, icitwa umweo, imwe kuti mwasenda ico lintu mulecikabila. Lelo, mulelanga ukutula ico te Bumi! Ifyo ciba ica bulanda!

⁸⁸ Ici ico twita umweo nomba, caba fye cinshingwa nangu icishaba icituntulu. Ifwe bonse twalitemwa ukusangalala, lelo kuti twasangalala pacintu icalungama. Cilya cilelangisha ukutula tulekobwa ne cintu icituntulu, ilyo tuli no kusangalala pa cintu icalungama. Lelo lintu twasangalala pacintu icalubana, cilangisha ukutula twaba abaampama pamo ne cintu icalubana. Eico, ubumi bwesu kuti bwalanda ino ine nshita ifyo ifwe twaba, ni nshila nshi ifya kumfwa umfwa fyesu fileyamo. Bushe mulemona? Ifwe tuli. . .

⁸⁹ Nga tulesekelela pa calo ne fintu ifibi, amano yesu ne myeo yesu fyaputwamo ukufuma pe samba. Boogie-woogie, ukushana, ukukalipwa kwa mutima, ukunwa, fyonse ifi fintu fimbi ifyo tubutukilako, fyafuma pesamba.

⁹⁰ Lelo nga cakutula twasangalala mu Mupashi, ukutula twalikwata u Mweo wa Muyayaya, kabili ifwe tulaleta ifya kumfwa umfwa fyesu kuli Lesa no ku Mulumbanya, lyena ifwe tulakwata ukusangalala. Lyena tulakwata ukusangalala. Yesu atile, “Ine. . . ukutula insansa shenu shingesula.” Lelo, te kwisulamo no bumi ubwapondamikwa, lelo uwaisushiwa no Mweo wa Muyayaya, ku Muulu. Eico, imwe kuti mwamona, caba pa fyo mulelolekeshapo.

⁹¹ Nomba tutile, ku ciputulwa ca matontonkanyo ya cena, ukupima amatontonkanyo; nomba lekeni tumone, pakashita fye, uku kwishiba kwa mano. Ici *pano* cikope cakwa Kristu, kabili ici *pano* cakupupilako umwela ica malaiti. Cishintilila pali cimo ico Ndemona, mwamona, nga cakutula imyumfwile yandi yasuntinkanishiwa muli *iyi* nshila nangu imimwene yandi yasuntinkanishiwa muli *iyi* nshila. Nga Nalolesha pali *cilya*, kabili ukufwaya cilya nokukabila cilya, ifya kumfwa umfwa fyandi fibikilwe ukulola kucakupupilako umwela. Lelo nga Nalolesha kuli *ulu* lubali, ifya kumfwa umfwa fyandi no kukabila kwandi fyabikwa muli ilya nshila.

⁹² Ulya e mulandu wine Yesu alandile, “Uyo onse ulolesha pa mwanakashi ukumukumbwa, na cita nankwe kale ubucende mu mutima wakwe.” Mwamona? Ni kulya uko imyumfwile yenu yabikwa, uko amatontonkanyo yenu yali.

⁹³ Kabili nomba kuti twasangalala ukutwalilila, pantu tuli bana babulayo, pa Chalichi icikalamba ica Muyayaya icakwa Lesa, ico cakwata ubulayo bwakwa Kristu u Mwine, “Cena teti cifilwe.” Ico nacilungama.

⁹⁴ Isonde litontonkanya ukutula twalifulungana. “Oh, *ubu* e bumi! Whoopee!”

⁹⁵ Nali ubu bushiku ku kumona umukashana uwaile kuli... Na dokota upima amatontonkanyo... Ali ne myaka amakumi yatatu naisano iyakufyalwa, tatalile apepapo, tatalile anwapo, mu mweo wakwe onse, umukashana umusuma nganshi, abantu bakwe bena Kristu, ba wishi niba dokota, kabili ena ali... apele umweo wakwe kuli Kristu, mu nshita yakwe iyakutendeka. Kabili ni cinshi ico acitile? Ena aya afuma, kabili ena mukulekesha afika ku cifulo ku koleji uko alesambilisha. Kabili dokota apima amatontonkanyo kulya, aikele panshi no kulanda kuli ena, kabili atile, “Ulepilibula ukutula iwe tawatala ukutomonapo umulumendo?”

Atile, “Tapali inshita nangu imo, mu bumi bwandi bonse.”

⁹⁶ “Ulepilibula ukutula Tawanwapo panono kabili wali mu ca kusefya?”

“Nakalya.”

Atile, “We mukashana, tawishibe ico ulebulisha.”

⁹⁷ Nomba, ena ukuba dokota apima amatontonkanyo, apilibwile amano ya mukashana, ukufika nomba mpaka aba uwabipa nganshi kabili uwabipa nganshi, mpaka ena talefwaya no kumfwa i Shina lyakwa Yesu ukulandwa mu—mucinso cakwe. Kabili nangu ni wishi na nyina te kuti bamumone nangu panono, nakalya. Kabili alilufishe amano yakwe, kabili uyu mulungu uleisa akaya ku cifulo uko bakaya mundapa na malaiti. Nipa mulandu wakutula apilibwile amatontonkanyo yakwe ukufuma

kuli Kristu, kufyo uyo dokota upima amatontonkanyo ali alesesha amano yakwe.

⁹⁸ Kabili ico eco tubelele pano, muno lucelo, kusesha amano yenu nokutontonkanya kwenu ukufuma kufintu fya mwisonde, mpaka kufintu fyakwa Lesa, ifyo fyaba ifya Muyayaya. Kabili cilya eco ukushimikila kwabelapo, caba kupondamika ukutontonkanya ukuya pamuulu kabili apawamapo, kabili ukufika pa ncende apo Kristu aba, mpaka waba uwapilibulwa. Nomba amano yobe yafika pali ifyo ifintu ifyaba mu Muulu.

⁹⁹ Nomba, lelo umweo muli iyi ncende imbi, waya kumukashana, bena baletontonkanya ukutila kuti babula sumu panshita iili yonse. Mucine, ubwikashi bulaba uwabulanda nganshi, ubwikashi bwa musango uyo, mpaka baipaya abene, basenda sumu nefintu fyonse.

¹⁰⁰ Nomba, lelo, Lesa, mubwikashi Bwakwe ubukalamba ku bantunse, apangile umuntu mu musango uo Alefwaya umuntu ukubamo. Nomba, Ena alengele umuntu ukukwata icilaka.

¹⁰¹ Bushe namumona Davidi apa? Atile, “Umweo wandi uli necilaka pali Imwe.” Oh, Nalitemwa ico. “Nga mumpanga ishauma, umushaba amenshi.” Elenganyeni fye. Atile, “U mweo wandi uli necilaka nganshi, Lesa! Ndi necilaka pali Imwe, pamofye ngafintu Nali mu calo umo umushali amenshi.” Ena alingile ukusanga amenshi nangu ukonaika. “Umweo wandi uli necilaka pali Imwe.”

¹⁰² Nomba, Lesa alengele umuntu ne cilaka. Cilya ciputulwa ca muntunse, e cilaka cakwe. Lelo, Lesa alengele icilaka mu muntu ukukwata icilaka pali Lesa. Kabili kasebanya alipondamika cena, no kucilenga cena ukuba icilaka ca bufumu bwakwe, kwisonde. Bushe mulecumfwa cena? Icilaka mu muntu cabu lesa, pantu Lesa alengele umuntu ukukwata icilaka, icilaka cakwa Lesa.

¹⁰³ Kabili kuti caba shani imwe bamo, abo abengaba abanono nganshi ngo kulila. . . ukwesha ukupwisha cilya cintu icapalwa ica cilaka, pa kwesha ukwikusha cilya no kunwa, no kupepa fwaka, necitunshi tunshi, no kubutuka kabili ukutwalilila, nokulasekelela ukushinguluka, ukwesha ukwikusha cilya cintu ca bulesha ico Lesa abikile muli imwe uku Mukwatila icilaka. Muleonaula akafukauka ako Lesa abika muli imwe, ku kupokelela u Mupashi Wakwe, kabili imwe mulekanwisha ne fintu fya mwi sonde. Kabili fyena tafikusha. Fyena tafyakatale ukwikusha.

¹⁰⁴ Kabili uyo emulandu mubikila imfuti kuli bongo bongo yenu, ku kufumyamo, ni pamulandu wakutila ifintu fiya munshi filamo. Kabili icalo cili pa ku ipaya kukalamba, ukupondamikwa na baume ukulala na baume banabo, kabili imilandu ili mu calo mu musango ibelelemo, ni pa mulandu

imwe mulepondamika icintu cine ico Lesa amupele, no kwesha ukwikusha cena no bubi bwe sonde.

¹⁰⁵ Sendeni ulyo Mupashi wa Mushilo uwapalwa, uo Lesa abikile icilaka mu mweo wenu ukwitapo, kabili mulecikusha necikulwa cabwala icabushiku kuncende imo, emulandu wine mukwatila ukukalipwa kwa mutwe ulucelo lwakonkapo. Elyo, muli nokusenda a—akape ka bwalwa no kuya ku nga'nda yenu, no kwikala panshi no kunwa, ukwesha ukwikusha cilye cilaka ca bulesa ico Lesa abikile mu mweo wenu uku Mukwatila icilaka. Kabili mwasenda amatipa yakwa ciwa nokwesha ukwikusha i—icilaka ico Lesa abikile muli imwe, ukukwatila Ena icilaka, musango nshi imwe mwingapokelela icintu icili conse kano ukupatulwa ukwa Muyayaya ukufuma mu Kubapo kwakwa Lesa wa Maka yonse! Ilyo, Ena amilengele uku Mukwatila icilaka!

¹⁰⁶ Kabili Davidi aliipele umwine, kabili atile, “Umweo wandi uli necilaka, kwati Nali mu mpanga iya uma umushali amenshi. Ndakwatila icilaka Imwe, Mwe Lesa.” Mwacimona ico. Davidi atile, “Nali Mumwene umwashila Mweni, kabili umweo wandi uli necilaka ca yalya a Maka.” Mwacimone ico. Bulya e bupusano. Cilya e cilenga ifintu ukupusana, caba icilaka ico Lesa apela imwe, nga imwe mwaikusha cena na Menshi.

¹⁰⁷ “Iseni kuli Ine, bonse mwe bali ne cilaka. Iseni nokunwa ukufuma ku kafukauka ka Mweo, ukwabula ukushita, ukwabula indalama, ukwabula umutengo. Kuliko akafukauka akaisulwa mu Nga'nda yakwa Lesa, mu musumba wakwa Davidi.”

¹⁰⁸ Kuliko a Kafukauka ako mukwatilepo icilaka. Mucine, efyo cili. Mwiesha ukupondamika cena, pakwesha ukutula, “Nalacikusha cena, no kunwa. Nalacikusha cena, pa kukwata ukulanshanya no *yu* mukashana. Nalafyukako panono kumulume wandi. Nalafumako panono kumukashi wandi.” Muletulika fye ubupingushi!

Mwatila, “Nshaikushiwa, Munyina Branham.” E mulandu wine!

¹⁰⁹ Cena ni Lesa ukubomba na imwe. Lesa ukwesha ukumuleta imwe ku cintu cimo, kabili mwasenda itontontanyo lyakwa ciwa nokuya pamo na lyena. Kabili ifyo efyo ubulanda bwisa, ifyo efyo imfwa iisa. Kabili uyo *umweo* te mweo, yena nimfwa. “Pantu amalipilo yalubembu nimfwa; lelo icabupe cakwa Lesa Mweo wa Muyayaya kuli abo abali noku Cipokelela.” Oh, mwibepekwa.

¹¹⁰ Nomba, ciwa alikwata inshila na imbi. Tukwete fye akashita, libe, pali ici. Ciwa alikwata inshila imbi iya kupondamika, kumbali ukutula, imwe limbi kuti mwatila, “Ukuba, Nshinwa, Munyina Branham, Nshipepa, Nshiteye injuka, Ine teti mbutuke umulume wandi nangu umukashi wandi, Ndi—Ndi nokucita... Njikala umweo uusuma.” Lelo kasebanya alipondamika *cilya*, ena aleka imwe ukutontontanya, ukwikusha kampingu wenu uwa mulandu, ukutula imwe mwaya

yampanya ku chalichi kabili imwe mulifye bwino. Cilya cilubo. Cilya kupondamika. Imwe teti mukwate ukwikushiwa pa kuilunda ku chalichi. Muba fye mu matontonkanyo; lilya lyashi lya mu mano.

¹¹¹ Lelo imwe tamwakatale ukwikushiwa mpaka mwamwishiba Ena, ngo kwelelwa kwa membu shenu, apo icipusho ca lubembu cipwishiwa, kabili mulakwata bulya ubusuma, ubwa mutende, ubwa mutelwe, ubwa Muyayaya, ubwanshiku pe bu cibusa na Ena. Ilyo umutende wakwa Lesa ulyo upula pakwiluka konse nausangulula umweo wenu nokukupanga icibumbwa cipya muli Kristu Yesu. Ukuilunda ku chalichi takwakacite. Iyo, mukwai. Cilya cipondamika fye umulandu uwine wine. Nga kasebanya teti akufumye pali filya fintu, ena ali no kukutwala kuli ici cimbi. Lelo wiikalilila pa cintu nangu cimo icacepako ukucila pacakupitamo ica nshita ya kale ica Kufyalwa ukupya, ukufyalwa cipya cipya ku Mupashi wakwa Lesa wa Muyayaya. Lintu umweo obe na Lesa fyaampana capamo kabili mwaba umo.

¹¹² Davidi, pamo, mu Malumbo, ukuba u—umuntu wa mu mpanga kabili umulunshi. . .

¹¹³ Ku Masamba bacili balacibomfya, amabumba ya mbwa sha mu mpanga eyapepeka inebula, inshita ishingwi. Kabili mu Africa Nalicimona. Kabili ilyo inebula shatendeka ukubutuka, imbwa sha mumpanga shilashisumaula. Kabili shalikwata ameno ya pantanshi ayatwa nganshi. Kabili shaliba ishacenjela nganshi, kwati lubembu. Shilalambalala ukufisamina ukwikata inebula inono. Shikala ukullosha ukulefumina umwela pakutula teti ishinunshe. Kabili shifuma, mukupumikisha, nokukolongana inama iinono, nokuilepaula mutupimfya.

¹¹⁴ Iyo enshila ulubembu lucitilamo. Lwena lukufumya pamushili uwalubana. Ilyo uletontonkanya ukutula, iwe, “Ukuba, Nalaesha fye panono pali *ici*. Ndi nokupita *neci*. Ine. . . Bena tabakeshibepo nangu cimo pali cena, *ici*, *cilya*.” Mwisakamana, kuli Ilinso ilimona konse konse ilikumona. Kabili ulubembu lulambalala pamwinshi. Cenjala. Cili nokukusanga.

¹¹⁵ Kabili nombamba inshita shimo ilyo inebula inono yaikatwa, limbi inshita shimo bashikata inshita shimo mumbali. Limbi ukufilwa ukushikata pamulu nganshi apakaiputaula. Ukushikatula mumbali nokuputulako icilundwa conse ukufuma. Kabili limbi, nombamba, ili nokuikata, pakuputaula imishipa shaiko mukulu kunuma *uku*, ico cili nokumutobaula, lyena teti ibutuke. Takwete ubwafwilisho.

¹¹⁶ Lelo inshita shimo ili nokuya pamulu nganshi, nokuikata pa lutungu, nokuputula icilundwa conse ukufuma kuli yena, nge *fyo*, apa imbwa itoloka fye nokuikata, nokuposa ukufina kwa iko pali yena, nokuputula icilundwa conse ukucifumya. Limbi

ikafilwa ukwikata umushipa wapamukoshi pa mukolomino, nokuikata pa cifuba nokulepula ukufumya iciputulwa conse. Kabili ilya iibusu, inama iinono iletolauka nokubutuka namaka ngefyo ingacita, kabili, icintu cakubalilapo mwishiba, naipusa imbwa kabili naishibepa. Imbwa lyena shipepeka icintu cimbi, kabili yena yabutuka. Ileshiba ukutila tacili nokuba lelo kashita fye akanono, mpaka shilya imbwa, panuma fye yakwipaya imbi imo, shili nokuipepeka nakabili. Kabili yena ibutukafye, na maka nganshi ngefyo inga cita.

¹¹⁷ Nomba, pakuba fundi, Nalishiba insebula. Nalishiba imicitile yashiko. Kabili nga mwamona, ilyo lyonse insebula ingafika ku menshi, munyina, yena kuti yapuputulwa muli sekondi. Lelo nga teti ifike ku menshi, ninshi capwa kuli yena. Lelo nga kuti yaya ku menshi, imwe kuti mwaikonka akasuba konse, kabili yena ili nokutwalilila fye ukulaya. Ili nokuya pa mulonga; ili nokuutoloka muli *iyi* inshila, kabili ili nokubwelelamo muli *iyi* nshila. Yena ili no kubwelelamo muli *iyi* inshila. Ili no kuya mukati ka mulonga no kwenda. Yena ileesha ukutumpika imbwa.

¹¹⁸ Nomba, Davidi atile, “Nge fyo insebula ifuluka umulonga wa menshi, efyo no mweo wandi ukwatila imwe icilaka, O mwe Lesa.” Alilaswa. Imbwa sha kumbo shilefwailisha cila umo muli imwe. Ena alefwaya fye ukumutalusha ukufuma kuli Kacema, umuku umo. Kabili nokubekata nokuputulako icikalamba ukufuma *apa*, kabili icikalamba ukufuma *apa*, pakukwiminika. Kabili Davidi atile, “Nga fintu insebula ifuluka umulonga wa menshi!” Oh, yena ilingile ukusanga umulonga wa menshi, nangu ukonaika.

¹¹⁹ Lesa, lekeni ico cibe umweo wesu ileelo! Ukulaswa, “Nga teti Nsange umulonga wa menshi, imbwa shili no kunjikata ili line. Lelo nga kuti Nasanga fye umulonga Wenu uwa menshi, O mwe Lesa!”

¹²⁰ Insebula iinono yalishiba ukutila kuti caba... Ni mfwa nangu umulonga wa menshi. Kabili Davidi atile, “Nga filya fine fye ilya insebula ishiba imfwa yaiko, nangu umulonga wa menshi, ulya e musango umweo wandi ukwete icilaka pali Imwe. Ningile uku Musanga, nangu ukonaika.”

¹²¹ Oh, nga kuti twafikafye ku Mweo wa musango uyo! “Balishuka abo abakwata insala ne cilaka ca bulungami, pantu bakesushiwa.”

¹²² Lekeni cilya cibe e mapange ya lukuta muno lucelo. Lekeni ifyakutemwa fyenu fifume kufintu fya mwisonde, amasakamiko ya mwisonde. Ngacakutila in ng’anda yenu ukuba iyabusaka, nangu libala lyenu ukuba ilyafumishiwamo icani, nangu conse ico cingaba, lekeni cipilibukile kuli Lesa. “O mwe Shikulu, uluse Lwenu ulwa citemwiko lwaliwama kuli ine ukucila ubumi bonse. Umweo wandi uli necilaka pali Imwe, ngefyo Nali mu mpanga

iya uma. Kabili nge nsebula ku mulonga wa menshi, umweo wandi ulingile ukusanga Imwe, nangu ukonaika.”

¹²³ Ilyo Branham Tabernacle likafika pali ilya ncende, ifisumino ifinono fikaponena panse pa fiibi, ukupusana konse kukapwa, kabili abena Kristu bakaba abena Kristu. Kabili. . . Ici cikaba cifulo cifulo icikalandwapo, ukushinguluka isonde, ilyo lukuta ululi lonse ulwa bantu lukakwata icilaka pali Lesa muli ulyo musango. “Uluse lwenu ulwa citemwiko lwaliwama kuli ine, O mwe Shikulu, ukucila umweo.”

Natupepe.

¹²⁴ Taata Wesu uwapalwa, kabili Lesa, ilyo tuleisa kuli Imwe nombamba pa kwisala kwa iyi Mbila inono, twapepa ukutula insala necilaka fingejala muli cino chalichi cinono, muno lucelo, ngefyo tacatala acicitikapo. Leken i abaume, abanakashi, abalumendo na bakashana, ileelo mu i . . . mukati ka mutenge muno, na kunse, nangu konse uko bengaba, lekeni bomfwe i Mbila nsuma, nokwishiba ukutula kwaliba icintu cimo ico—ico cilenga bena ukukwata icilaka pa cintu cimo.

¹²⁵ Oh, ukukansana kwa musango uyo! Mwatile kuti yaba ninshita nga iyi, “ukukansana, ukusakamikwa kwa nshita, ukusakamikwa pa kati ka fyalo.” Oh, nga cakutula bena kuti babulafye kulya ukukabila ukwa maka ayengi, ukukabila kwama bomba ayengi, ukukabila filya ifintu, nokucipilibwila mukukabila kwa bulungami bwakwa Lesa, lyena Akasuba ka Bulungami kuti kaisa nokundapa mu mapindo Yakako.

¹²⁶ Kabili lintu Israele alecululuka, nombamba abana bafyelwe. Kabili Ndepepa, Taata, ukutula Imwe muli no kubika cilya icilaka mu mitima yesu ileelo, ukutula takwaba ukwikushiwa ukuli konse mu calo, kano fye pa congo ca menshi Yenu. O mwe Shikulu, lekeni itenga lite kwi Tenga. Cipeleni, Taata. Twapepa mwi Shina lyakwa Kristu.

Kabili ilyo tuli ne mitwe yesu iyakontamikwa.

¹²⁷ Ndesunguka, muchalichi, muno lucelo, nga umo muntu kuti aimya ukuboko kwabo, nokutula, “Munyina, kakumba, mpepelako,” nombamba ilyo Munyina Neville na Ine tulelolesha. Lesa akupale, munyina. “Ndefwaya Kristu. Ndefwaya icilaka mu mutima wandi nga filya. Ndifye uwafunshika kabili uwanaka ukuya uku kabili pakati kanshila *iyi* nshila na *ilya* nshila. Ndefwaya icine cine icilaka panuma yakwa Lesa. Mpepelako, munyina, bakakumba. Bushe kuti . . .”

¹²⁸ Lesa akupale, nkashi. Lesa akupale, na mayo. Kabili Lesa akupale, munyina. Umuntu umo umbi imyako ukuboko kobe, utile, “Mpepelako.” Ilyo. . . Lesa akupale, nkashi. Cilifye bwino. Umuntu umo umbi nombamba, ilyo fye tatulaisalila, imyako ukuboko kobe, utile, “Mpepelako ine.” Lesa akupale iwe, na mayo. Icin cine. “Ndefwaya ico, pamo.” Lesa akupale, nkashi, kunuma kulya. Leken . . .

“Pa congo ca kupoma kwa menshi Yenu.”

¹²⁹ “O mwe Lesa, nengeni—nengeni—nengeni ukwishiba ukutila Ndi muntu uushakosa, ukutila, Nshaishiba fye inshita ilyo ishi ntambo ishinono isha bumi shili nokuputuka, kabili Ndefuma ukuya mu Muyayaya. Lelo lekeni mbe ifyo, O mwe Lesa, ukutila umweo wandi uli necilaka nganshi pali Imwe, ukutila Nshakafwaye nakabili ukunwa, ukupepa nakabili, ukubepa nakabili, takuli nakabili icakucita no lubembu. Leken i fyakutemwa fyandi fikale pafintu fyamu muulu. Fipeleni kuli ine, O mwe Lesa, ilyo Naimya ukuboko kwandi.”

¹³⁰ Lesa akupale, na iwe, na iwe, na iwe. Lesa akupale. Taata alemona ukuboko kobe; mucine, u—uusangwa konse Lesa. Lesa amupale. Lapila fye cena ino ine nshita, ilyo wikele apo. Lapila fye, tila, “Shikulu, biken i cilye cilaka muli ine.”

¹³¹ Mwebana, bushe mwalishiba ici, ukutila tamwakafike kuli Lesa necili conse icacepapo pali cilya? Bushe cilya ecilya icilaka icashika, cilya—cilya cintu cimo ico cikabila Lesa?

¹³² Kwati fye ibusu, insebula inono, kuti mwa elenganya yena? Yalicenekwa. Yena ilefwa. Cena limbi kuti caba mulonga wa menshi nangu imfwa. Kabili yena ilingile... Bushe kuti mwaimona yena ukwimya umutwe waiko uunono? Kabili ilenunsha. Ilenunsha umwela. Umulopa ulekonkoloka panshi. Ifwile yafika kumumana wamenshi. Yena ifwile yacita ico. Konse akanono akacepesha, konse akakatapa katapa akamusambo, yena ileya ukulola kuli kena. Ilingile ukukwata kena. Bushe muli aba cilaka camusango ifyo kuli Lesa?

¹³³ Davidi atile, “Ulya e musango icandi—icandi—icandi cilaka caba, Lesa. Ningile fye ukucikwata, nga te ifyo Ndi nokonaika. Ndefwaya u Mweo. Nokutemwa Kwenu kuli ine, lintu Naumfwa u Kubapo Kwenu, mwamona umweo wandi ulekula pamo ne Cebo Cenu, caliwama kuli ine ukucila fyonse ifyashala, ubumi bonse na fyonse ifyashala. Uluse lwenu ulwa citemwiko!”

Lapileni icilubo cenu nomba, ilyo tulepepa.

¹³⁴ Nomba, Shikulu, Namumona amaboko. Namwishiba abantu. Kabili Ndepepa ukutila Mwalaelela ulubembu lonse. Lengeni muli bena ici cilaka icikalamba ico cisa, ico bena balekabila. Imitima yabo ili ne nsala.

¹³⁵ Umuntu onse mwisonde ileelo, Ndetontonkanya pali ici, icalo cesu, ukupena ku mangalo. O mwe Lesa! Amafilimu, ifitunshi tunshi, amalyashi yakale ayakowela! Kabili ukumfwa ukutila cisenda batatu nangu bane ba dokota bapima amatontonkanyo ku kusunga Elvis Presley palya pacitunshi tunshi, na Arthur Godfrey nabengi aba bambi abashala. Casokolwelwe fye umulungu wafumineko, kuli uyu kalemba we lyashi lya kale uwa ku New York, ukutila alibatandalile nokwishiba ukutila batatu nangu bane ba dokota bapima

amatontonkanyo, kuli cila umo, ukwesha ukuleta ili sonde ku ncende iya tapa, iya fiko, iyabipa, imipulwe yabucaibela.

¹³⁶ Kabili—kabili abanakashi mu musebo, ifyo abaume balufya amano yabo, ukuya mu ncende; nokupanga ifya kufwala ifya buwele wele ifya kufwala. Kabili ukukutuluka, Shikulu, ukutila ulya umubusu, umunono umukashana kunse kulya pamusebo, nomubili wakwe uunono uwatambalala, nefyakufwala ifimoneka ifya buwele wele. Kabili ulya muntu mulya mumuputule wabwalwa, muno lucelo, ukwishiba ukutila ena aleesha ukwikusha icilaka ico capele Lesa kuli ena ukukwata icilaka pali Ena, panuma yakwa Lesa, ena aleesha ukwikusha cena ne fya mwisonde, ifintu fya mwisonde. Tulepepa, Lesa, ukutila mu nshila imbi nangu imbi . . . Nshishibe nga musango nshi, lelo Ndemona ukutila cena cilingile ukuba fye ino ora.

¹³⁷ Lelo kuli abo abetile, kabili nabemya amaboko yabo, peleni kuli bena, Shikulu, cilya cintu mumitima yabo ico balekabila. Cilye cilaka icapalwa, lekeni cipwishiwe ileelo, mukulenga cipya cipya ukwa Mupashi wa Mushilo ukusamba mu myeo yabo no kubapela cilya ico balekabila. Naipusha ico mwi Shina lyakwa Kristu. Amen.

Kuli i Calo ukwabuka umumana,
Ico twita ukutila umuyayaya uusuma,
Kabili tufikafye kulya ku lulamba ukupitila
mwifunde lya cicetekelo;
Umo na umo ifwe tukesafika pa mwinshi,
Kulya ukwikala pamo nabashifwa,
Ilyo balisha shilye nyenjele isha golide kuli
imwe. . .

Nomba lung'wing'winteni, panono icine cine nomba.

Bushe tamuleumfwa inyenjele nomba shilelila?
Bushe ta muleumfwa ba Malaika baleimba?
(Elyo fyonse fisankanishiwa muli cimo.)

U Kusefya kwa alleluya ya bukata.
Nikulya ukutali ukwape ukwawama,
Ukuciluka fye umumana uwabengeshima,
Ilyo balisha shilye nyenjele isha golide kuli iwe
na ine.

¹³⁸ Nibanga aba Mutemwa? Imyeni ukuboko kwenu. Tutashe Shikulu. Nomba tambaliken, poshanyeni amaboko nomuntu umo uli mupepi na imwe, tileni, "Lesa akupale."

. . . shilya inyenjele nomba shilelila?
Bushe ta muleumfwa ba Malaika . . . (Mucine,
ifwe tuli bekashi ba Bufumu.)

Uko Kusefya kwa alleluya yabukata.
Nikulya ukutali ukwape ukwawama,

Ukuciluka fye umumana uwabalika,
Ilyo balisha shilye nyenjele isha golide kuli iwe
na ine.

¹³⁹ Nomba, Taata, pokeleleni imipashi yesu no kushinshimuna kwesu, ilyo tulepela cena kuli Imwe. Kabili tuleiteyanya fye ukupepela abana abalwele nomba. Tulepepa ukutila u Mupashi Wenu utushe pali ifwe. Ukutila ifwe twingaba abakupepa ipepo lya cicetekelo pali bonse abo abalekabila pali ino nshita. Fikilisheni ico, Taata. Pantu twalombela cena mwi Shina lyakwa Kristu. Amen.

¹⁴⁰ Nomba lekeni abalwele balongane ukushinguluka icipailo ilyo tulebasuba nokupepa pamo nabena. Twalaba abansansa ukumwafwilisha. Twalasalanganya ukulongana, imwe kuti mwaikala pali ba mineti ikumi abalakonkapo, ikumi limo nabasano.

¹⁴¹ Ukuba, tupeleni—tupeleni, Nkashi Gertie, “Kuli ubushiku bwa mailo ubwansansa ubulendolela.”

...ubushiku bwa mailo ubwansansa
ubulendolela,

Uko impongolo sha mabwe yaluma umutengo
shisuka,

Kabili nga Natoloka uyu mupoka poka
wabulanda,

Nkapanga inkambi pa Lubali lumbi.

Ubushiku bumo ukucila apengafika
amatontontonkanyo ya buntunse,

Ubushiku bumo, Lesa ewaishiba incende ne
nshita,

Imipeto ya bumi ikeminina shilili, (Cinshi
cikacitika lyena?)

Elyo Nkaya ikala mulupili lwa Sione.

Ubushiku bumo ukucila apo apengafika...

(Tontontonyenipo!)... amano ya buntunse,

Ubushiku bumo, Lesa ewaishibafye incende ne
nshita, (Cinshi icili nokucitika?)

Mipeto ya bumi ikeminina shilili,

Elyo Nkaya ikala mulupili lwa Sione.

Ika mupepi, weceleta musuma,

Oh, ukwisa mukuntwala ku Mwesu;

Ika mupepi, weceleta musuma,

Ukwisa mukuntwala ku Mwesu.

Bwena Bwato Bwakale ubwa Sione,

Bwena Bwato Bwakale ubwa Sione,
(Ubukata!)

Bwena Bwato Bwakale ubwa Sione,

Nineni, nineni.

Bwalifisha ba taata wandi abakale,
 Bwalifisha ba taata wandi abakale,
 Bwalifisha ba taata wandi abakale,
 Nineni, nineni.

Bwena Bwato Bwakale ubwa Sione,
 Bwena Bwato Bwakale ubwa Sione,
 Bwena Bwato Bwakale ubwa Sione,
 Nineni, nineni.

¹⁴² Munyina Craig, [Pali tepu tapali amashiwi—Kale.] Munyina Junie, imwe bonse iseni, mupepe nabalwele. Imwe bonse mwe bashala, Munyina Yohane, uuli onse muli imwe uyo ulefwaya ukwisa, ese fye kuntanshi.

Oh—oh, bushe [Tapali amashiwi pali tepu—Kale.] cikaba icisuma Kulya,
 Ukukana kwata ifisendo fyakusenda?
 Ukwimba nensansa ne nyenjele sha mutima shonse ukulila,
 Oh, bushe tacakabe icisuma Kulya?

Bushe tacakabe icisuma, (icisuma) kulya,
 Ukukana kwata ifisendo fyakusenda?
 Ukwimba nensansa ne nyenjele sha mutima shonse ukulila,
 Oh, bushe tacakabe icisuma Kulya?

Ukwenda nokulanda na Kristu, Umo uwapulishamo,
 Bushe tacakabe icisuma Kulya?
 Ukwenda no kwimba na Kristu, Umo uwapulishamo,
 Bushe tacakabe icisuma Kulya?

Bushe tacakabe icisuma, (icisuma) Kulya,
 Ukukana kwata ifisendo fyakusenda,
 (kwishilya Kulya)?
 Ukwimba nensansa ne nyenjele sha mutima shonse ukulila,
 O bushe tacakabe icisuma Kulya?

¹⁴³ Ilyo twatontonkanya pali filya fintu, ifyo cabe cikalamba kabili icawama! Oh, Ena aba umutuntulu kuli ifwe. Bushe tacakabe icisuma kulya? Shing'anga mukalamba epo ali nombamba. Alefwaya ukundapa abalwele na bacushiwa. Alefwaya ukulenga abo abafunshika ukuba abakosa. Alefwaya ukulenga abo abalecushiwa ukuba abatuntulu.

¹⁴⁴ Nomba natukontamike imitwe yesu mu Kubapo Kwakwe ilyo tulepela Ena amalumbo yesu.

¹⁴⁵ O Mwe Shing'anga Mukalamba, ilyo imitima yesu ilesuma umulopa, tulila nge mpaanga Shenu. Kabili tuleumfwa u Mupashi Wenu ulebwelela kuli ifwe. "Impaanga shandi

shalishiba i Shiwi Lyandi.” Kabili twalitemwa ukubilikisha amalumbo Yenu. Twalitemwa ukulila mu Cinso Cenu ku kusangalala. Tulefwaya ukulangisha imyumfwile yesu kuli Imwe, pantu twali Mutemwa na fyonse ifyaba muli ifwe. Umweo wesu onse, amano, no mubili fyalitemwa Shikulu.

¹⁴⁶ Kabili twapepa, mwe Lesa, ukutula Mwalatupela ici, mukushika namu kushika, mukutwalilila. Leken i Cena cibe icituntulu kuli ifwe, ukutula isonde lili nokupwa, kabili nobupumbu bwaliko bonse, nomba ninshi takwakabe nakabili amatontonkanyo aya ico. Cena cikesapwila mu Muyayaya. Calikwete ukutendeka, nomba lekeni cena cikwate impela, pamo. Ifwe natwishiba cili nokuba.

¹⁴⁷ Kabili nomba tulepepa, Lesa, ilyo ifwe, abana Benu, twaiminina pano, ukupepelako umo no mubiye, mwi Shina lyakwa Shikulu Yesu, pa mafya ayo ayali mu mibili yesu, aya letelwe no lubembu lwa kale, kabili nobubifi bwa mwisonde, ne mibili yesu iyamfwa, iyanakila umulwani onse pantu cena cicili lubembu. Kabili ifwe tulelanda ukutula Baibele yalilanda kuli ifwe, palwalala, ukutula, “U Mupashi wa Mushilo ulafwilisha ukunakuka kwesu, no kupepelako.”

¹⁴⁸ Kabili twaisa kuli Imwe, Taata, muno lucelo, mukuicefya, ukucetkela ukutula Imwe mwalatupapatilako nomba, ukutula, ilyo tuleyebelela imembu shesu, nefilubo fyesu, kabili ukukabila kwesu kuli Imwe, imitima yesu ili iya nsala ukuba iyaundapwa, pakutula twinga bomba no kubomba umulimo uo Mwingafwaya ifwe ukucita. Peleni, Shikulu, ilyo umukalamba Wenu aleya pa ntanshi alesuba, Naisa mukubika indupi pabalwele, lekeni u Mupashi wise mukundapa. Twalombela ici ukuba, ukupitila muli Yesu Shikulu wesu.

Nomba, mwebakalamba, nga kuti mwatampila pesamba apa nokwisa fye pamuulu.

¹⁴⁹ Umuntu onse mwipepo, nomba, panono panono tuleimba *Shing’anga U Mukalamba*. Umuntu onse aleimba panono panono.

¹⁵⁰ [Munyina Branham apepelako abalwele, amashiwi yakwe ayengi tayaleumfwika—Kale.]...?...[Pali tepu tapali amashiwi—Kale.]

¹⁵¹ Nshilufyenye, uyu ni Nkashi Craig. [Nkashi Craig atila, “Ee.”—Kale.] Ndeumfwikisha imibele yobe, Nkashi Craig, ukutula naulwala nganshi, iwe walile...?...[Nkashi alanda kuli Munyina Branham.]...?...Nomba lolesheni. Kunse kulya muli filya ifiswebebe, imwe mwalibomba nomulume obe pano, pa mulandu wakwa Kristu. Cilya cine icintu ico wishileko, Nkashi Craig, ecintu fye cimo icinga kwafwa nomba. Kabili ngo mubomfi wakwa Lesa, kabili twalishiba ukutula ifwe twalitemwa na Munyina Craig pano, ifwe bonse pano pa chalichi. Kabili tuletasha pa mulimo wenu mu ciswebebe, pakati

ka bantu ba Nsamya. Kabili ukutila iwe waisa nomba, cino e cipatala muno lucelo. Pano epo Shing'anga eminine, ulya Umo umukalamba. Kabili ukubomba kulya kutumbulwa, tuli no kukupela fimo...?...I Cebo cakwa Lesa calitwa ukucila ulupanga ulwatwila kubili kubili. Ena limbi kuti afwaya ukwisa kuno nokumusenda. Wikwata ukutwishika nangu kumo, Nkashi Craig! Kwatifye...?...

¹⁵² Cisuma, Munyina Neville, kabiye no kusuba.

¹⁵³ Mwebatemwikwa Taata wamu Myuulu, pano pali umukashi wakwa kapyunga, uwaendauka ukuya ukutali, mulya muciswebebe umwakaba, balya ba Nsamya kabili abashapilibulwa, ukwesha ukubaleta kuli Imwe. Kabili ukwiminina kuno pali ici cipailo icinono ileelo, O mwe Taata waluse, nga fintu ifwe, namaboko yesu ayabikwa pali ena, nge cishibilo, ukucetekela ukutila Baibele icili yaba Bufwayo bwakwa Lesa ubwapwililika, twabika amaboko pali ena... [Pali tepu tapali amashiwi—Kale.]

...ukubuta nga menshi makasa,
Tapali kanofye u Mulopa wakwa Yesu;
Ni cinshi cinganenga ukupwililika nakabili?
Tapali kanofye u Mulopa wakwa Yesu.

Oh, ukupongoloka ukusuma...

¹⁵⁴ [Nkashi alanda kuli Munyina Branham—Kale.]...?...Lesa akupale, nkashi.

¹⁵⁵ Umukashi wakwa Munyina George Colvin ali mu Cipatala ca Norton's Infirmary, mu Louisville, kuli imwe mwebalebatandalila pakutila mubamone. Kabili—kabili Misisi Colvin, uyo wakwete ipwalonda lyamumala, ba—ba nyina fyala bakwe baliko bwino. Eico, tuletotela pali ico.

¹⁵⁶ Nomba, kuli imwe mwe bantufye abalwele, kabili namupepelwako, Ndefwaya ukulanda ici, ishiwifye ilinono. Kabili tuliko fye abacelwa panono, lelo icintu fye cimo icinono.

¹⁵⁷ Palwa kundapwa kwa Bulesa, oh, cena cintu icawama nganshi. Kabili caba icaanguka nganshi uku—ukupalama kuli cena, nga kuti mwasenda fye imibele iyalungama kuli cena, mwamona.

¹⁵⁸ Nomba, icimonwa ico Nakwete, kabili nalicilondolwele muchalichi muno, palwa menshi, (muleibukisha cilya), necishiba ukuba kukuboko kwa kuso, nomumana ukuya ulebwelela kunuma muli *ilya* nshila, conse icinono ica ico cafungulwilwe mulya mwine mu Canada, icapwililikafye. Kabili no Mumana wa Saskatchewan waile kukabanga mucifulo ca kumboshi, kabili ne fipoma fyali kuli *lulya* lubali mucifulo cakulya kumbi. Naingilemo, kabili yalitalala, kulepupa kabili ileloka, nafuminemo, na akasuba kalebengeshima. Naile mulya mwine, nasangile icishiki ca kale, ifintu fyonse, ifyapwililika fye nge

fyo fingaba. Kabili ukupilibuka muli bukapyunga bwandi. Filya fine.

¹⁵⁹ Shikulu alisokolwele kuno, imilungu iinono iyapitapo, ifyakucita paku lingulula, kabili nafimbipo, fyalitampa ukuba ipalo ilikalamba nganshi. Kabili ifwe kuti twapepelako abantu ukucilapo.

¹⁶⁰ Kabili nomba, pa cintamba, panuma ifimonwa fyapwile, twaleita ifimonwa kabili ne fya-...mukubalilapo, icakubalilapo. Kabili nomba lintu abantu baishile, cali cakubalilapo, imwe mwalamona ubunte nomba.

¹⁶¹ Nomba, uyu e mulandu wine, pano pene. Nga—nga ifwe tatwakushiwe capamo. Mwamona, tulifye abaice pano, capamo, ukutula ifwe twalikushiwa capamo, uyo wine emulandu imwe tamwishibile...Mwalishiba ukutula Nalitemwa ukulunga nokuloba, kabili nafimbipo, kabili ico—ico ecicifumyapo.

¹⁶² Munyina Bill ni munyinenwe fye, mwamona, ukutula mwalintemwa kabili Nalimutemwa. Mwamona? Kabili imwe mwafuma kuno, kabili, ukuba, nga—nga mwalefwaya ukutula amalaiti yenu yalungikwe teti mukasakamane ukunjita, iseni mucite, cesheni. Kabili nga cakutula Ine teti, Ine kuti naita Munyina Rhody. Eico nomba ifwe fye...nangu icintu cimo, namwishiba, muli uyo umutande. Mwamona? Kabili ico cabafye icaseka pakati kenu. Kuncende kumo kumbi cimoneka ukuba icapusanako. Ilyo ifwe...Ukuba, nomba ifwe...[Pali tepu tapali amashiwi—Kale.] Ulya ni umo uwa bakapenta, kwati fye uwakashikila kabili ilinso lya makumbi makumbi. Mwamona, caba—caba fye nicimo pafyakupanga. Teti twafwilishe cilya.

¹⁶³ Mu Canada, lintu Nafikile kulya, ukuba, ifyo fine, Nalimyeba icacitike. Twalikwete abantu amakana ayengi kunse, lelo bena bali abengi bonse ba Anglicani na ba Baptisti, na fimbipo, abo abaletungilila ukulongana kwandi. Abantu ba Pentecosti balinkana ukwabula ukupita mumbali. Eico nomba, lelo ico cilifye bwino. Ine...ukutula...Nalibatemwa fye cimo cine. Mwamona?

¹⁶⁴ Lelo mulya, ilya nshita ya bushiku, umwanakashi aishile ku ntanshi, uwakubalilapo, mukulongana. Kabili ali ni mpofu, Nshishibe nga ni panshita nshi ubutali. Cimo cine fye nga namayo uwacisa pano uyu twacipepelako. Bamutungulwilefye ku cintamba, taishibe ulubuto lwa kasuba ukufuma ku mfifi. Ali muli iyo nshila pa myaka. Kabili ukwiminina kulya, ukupepelako ulyo mwanakashi, amenso yakwe yaliswike pa cintamba. Kabili aile nokuya senda icakutaipilako nokunembela ubunte bwakwe bwakwe umwine.

¹⁶⁵ Uwakonkelepo ukupitamo, cali mulumendo uyo wali umupwilapo...Namayo munono pano, acisa pano nokupepa pakashita akanono akapitapo, pa mwana umunono uyo ushalelanda. Twalikwete ulyo mwana palya pa cintamba,

Ndetontonkanya cali nalimo, oh, kuti Natila, imyaka ya kufyalwa cine konse konse nangu ikumi limo. Alefilwa, taishibepo ishiwi nangu limo. Talepanga iciunda. Taleumfwa icintu nangu cimo; tatalile cita. Afyelwe muli ulya musango, ukukana umfwa nangu cimo, ukukana landa. Aiminine palya nokulila nokulumbanya Shikulu, kabili aleumfwa icili conse, nokubutukila pacintamba, alesangalala.

¹⁶⁶ Uwakonkelepo aishile, aali mwana uwalemana, mupepi nemyaka yakufyalwa ikumi limo na ibili. Billy aleafwilisha ukumupapa ukuya ku cintamba, na baume babili. Ali mubwafya nganshi, nge *fi* fye, mwamona. Cilenjibukisha pali Edith Wright munono. Kabili baliletele kalya kantu akanono kulya. Kabili ilyo Nalepepa, atile, “Lekeni njikile. Yesu namposha.” Ukuba, cinshi ico twingacita lelo twamulekeleko? Kabili, lintu acitile ico, aendele ukupita mulya, aleya nge *fi*, [Munyina Branham atota indupi shakwe—Kale.] ukulumbanya Lesa nokubilikisha, kabili ukwenda uku no ku muli ilye ncende nga filya. Kabili abantu balefwa umutombo, mupepifye, mwibumba, nga filya.

¹⁶⁷ Lyena kwaishile umunono uwang’ongo, ing’ongo iikalamba munuma yakwe. Kabili ena ali ni Katolika. Mucine, ifwe tuleiluka, bena balicetekela mukundapwa. Nomba, kuli imwe mwebantu ba Katolika, tapali nangu cimo icakususha imwe. Ico nacilungama, mwamona. Lelo balicetekela mufyapala ifyabumbwa, nafimbipo, mulemona. Kabili—kabili Natile, “Nomba lolesha, we mwana, ifwe tatwacetekela mukundapwa muli iyo nshila. Ifwe tatwacetekela mukwikata ifyabumbwa. Ifwe twacetekela ukutila ifwe twaba, ku luse lwakwa Lesa, abana baume na bana banakashi bakwa Lesa, mwamona, kabili u Mupashi wakwa Lesa uli muli ifwe.”

¹⁶⁸ Kabili Natile, “Nomba pano epali inshila twacetekelamo ico. Apa paisa. . . Yesu aishile, ubushiku bumo, kabili kwali icimuti icaiminine palya. Kabili Atile. . . Alefwaya icisabo, kabili takwali icisabo, kabili Atile, ‘Takuli umuntu ukalya ukufuma. . . umuyayaya,’ aile afumapo. Kabili ubushiku bwakonkelepo, ilyo bapitile, cilya cimuti caleuma. Petro atile. . . Cinshi, mwalishiba Petro—Petro, ifyo ena ali. Ena—ena atile, ‘Cinshi, lolesha pa cimuti! Mona cena.’ Kabili Yesu atile, ‘Kwateni icicetekelo muli Lesa. Pantu nga walanda kuli ulu lupili, “Sela,” kabili tautwishihe, lelo wacetekela ukutila ico walanda cili nokwisa fikilishiwa, uli nokukwata ico walanda.” Natile, “Uleumfwa ico?”

“Ee.”

¹⁶⁹ “Ilyo mwapepa, cetekeleni ukutila muli nokupokelela ico mwalomba, muli nokucikwata.”

¹⁷⁰ Natile, “Mwamona, ifwe, panuma yakupokelela u Mupashi wakwa Lesa. . . Nomba, Lesa alengele isonde ukufuma apashali nangu cimo. Cena Cebo fye Cakwe. Ena abumbilefye. I Cebo

Cakwe e bubumbo. Eico, Ena alandilefye Cena, kabili ne sonde lyapangilwe. Pantu, Cena cali cintu mu mano yakwa Lesa, mu mutima Wakwe. Ena alandile fye cena, kabili cena caishile mukubapo. Ali ni Kabumba.” Natile, “Kanshi, nga natukwata Zoe, Umweo wakwa Lesa muli ifwe, tulesa mukuba abana baume bakwa Lesa, kabili bakalenga abanono,” Natile, “pantu Atile, ‘Conse ico walanda, cetekela ukutula ico walanda, uli nokukwata.’”

¹⁷¹ Kabili Nalimona cilya. Inshita ishingi, kuti Nalanda ifintu ifyo Nshingatontokanya palwandi, lelo kuti Nalanda ico, nangu cibe ifyo. Kabili Naishile sanga ukutula, cacitikefye muli iyo nshila. Kutu nalanda ifintu ifyo Nshapilibwile nangu panono ukucitika muli ulya musango, lelo calicitike, nangu cibe fyo, pantu Nalicilandile. Natontonkenye, “Lolela pali miniti!”

¹⁷² Eico, Natile, “Mulemona, ilyo twalanda icintu icili conse, nge cintu cimo na cikatwa kuli ifwe, tatulingile ukulanda cena mpaka twacetekela cena. Nomba lintu twacetekela ico, twalalanda cena, kabili nacilya i Cebo cakupanga cafuma, Cena ciputulwa cakwa Lesa, mwamona, kabili Cena cipanga.”

¹⁷³ Atile, “Naumfwa.” Nabikile amaboko yandi ukumumishinguluka, nalimupepeleko.

¹⁷⁴ Ukwishiba ena ukuba Katolika, Natile, “Nomba, iwe lolelifye. Muno nshita ya bushiku, ilyo walaya ku ng’anda, ubike akatambo akanono ukukushinguluka, nge *fi*, kabili ukakakishe sana. Uleke ba Mayo bacite ico. Kabili nokukaputula. Kabili nomba, mailo ubushiku, nga cakutula tacipompolweke ama inchi yatatu, ninshi Ndi kasesema wabufi. Ukakalete, ukalete akatambo kamo kene. Ukakaputule, nokukabika pamulu apa.”

¹⁷⁵ Panuma afuminepo, Natontonkenye ukutula, “Cinshi ico Nacilanda? Cinshi ico Nacilanda? Nga cakutula cilya cali ca kususha palya, mwamona?” Natontonkenye, “Lelo, nga Lesa alisosele cena, pantu Nshaishibe ukutula Nali nokulanda cena, eico Nalacileka fye filya fine fye.” Leken i atwalilile.

Inshita ya bushiku ubwakonkelepo, kalifye nga *filya* ubutali, mwamona.

¹⁷⁶ Eico, iyakonkelepo, inshita iinono panuma ya cilya, kwali umulumendo umunono uwaishile, ing’ongo iinono panuma yakwe, iyafumina panse nga *filya*. Kwali ibumba lyonse ilya banono, abaku Katolika wa French Canadian balishile, kabili balipuswike nokwisushiwa na Mupashi wa Mushilo kulya. Mwamona? Kabili uyu mulumendo alikwete ukuboko, panshi nga *filya*, ne ng’ongo iinono panuma yakwe. Umuntu umunono, nalimo nge *fi*, aishile. Kabili Nali no kumupepelako. Natile, “Wemutemwikwa, ulemona ico Naceba ulya umbi umulumendo palwa kubeya kwakwe ukunono?” Kabili, nomba, mwamona, abanuma sha ng’ongo abanono, teti bemye amaboko yabo nga

filya. Mwamona, balikontama, icintu cimo ciya munuma yabo apa.

¹⁷⁷ Atile, “Ee, mukwai.” Atile, “Ine teti mbwele.” Kabili muli no kusanga ukutula, ali wamulupwa ulupina nganshi, kulya lubali mu British Columbia. Mwamona? Takwete indalama ishili shonse, ishakwikala inshita iitali.

¹⁷⁸ Natile, “Ukuba, Lesa alakundapa, wemutemwikwa.” Nabikile ukuboko kwandi ukumukumbatila.

¹⁷⁹ Nomba, Nshi—Nshi—Nshilefwaya uku—ukulanda icintu cimo icishili icalungama. Nde—Nde—Ndefwaya ukulanda ico icili icalungama, mulemona. Kabili Nalikwete ukuboko kwandi nimukumbatila umuntu umunono, nokuboko kwandi pamulu wa ilya ng’ongo iikalamba. Kabili caumfwikike kuli ine kwati ilya ing’ongo yaselele kabili ukuboko kwandi kwaingile mukati.

¹⁸⁰ Eico, ilyo Nalekele ukupepa, Naloleshe pali ena. Amenso yakwe ayanono ayakale yalibalike. Natile, “Uleumfwa ico?”

Atile, “Ee, mukwai, Nacicita.”

¹⁸¹ Kabili Naloleshe ukushinguluka, tapali nangu imo palya. Natile, “Imyako ukuboko kobe.” Kabili uyu alile, umutuntulu nganshi, kuntanshi ye bumba kulya.

¹⁸² Kabili, oh, cilya cali fye... Oh, Nshishibe fintu finga ifikalamba ifyo Shikulu wesu acitile, cila bushiku, ifya bankoma matwi, bacibulu, impofu.

¹⁸³ Kabili mwalimwishiba ulya umukashana umunono Myebapo, mu Germany, ulya wakwete cilya... Namwishiba ifyo aishile pa cintamba, cilya calengele ba communisti... ukusenda amatanga... umwela ukufuma mwi tanga lyabo? Lilya ilyashi lyabwekeshiwepo bwino bwino. Umukashana munono aishile, alikwete ifikuti ifitali, icinono icinso icamoneka icasafuka; impofu, bamutungulwile pamuulu. Kabili Natile, “Alemoneka ngo mukashana umunono umu German; amenso ayanono ayabuta.” Natile, “Alemoneka kwati mukashana umunono umu German uwali mu Germany.” Natile, “Nibanga muno abatala ukubelenga nangu ukumfwa pa matepu, kabili na fimbipo.” Kabili, oh, imyanda ne myanda iya maboko. Natile, “Alemoneka kwati mukashana umunono umu German.” Kabili Natile, “Bushe niwe wishi?”

Atile, “Ee, mukwai.”

Natile, “Bushe icalo cakwe nicinshi?”

¹⁸⁴ Atile, “Ndi mu German.” Atile, “Ifwe tuli—ifwe tuli bena German.” Bonse babili ena no mukashi wakwe, bonse babili.

¹⁸⁵ Ukuba, umukashana umunono umu German, filya fine fye, ifikuti fyakwe fyakobeme munuma yakwe nga filya. “Oh,” Natontonkenye, “Shikulu, nga Imwe kuti mwacicita fye nakabili!” Mwamona? Nomba cena ni cinshi? Natontonkenye,

“Nomba, Ine, nga kuti Nacita, mpeni fye cilye cicetekelo ukwishiba ukutla cili no kuba muli ulya musango, Ine kuti nalanda ico, kabili Nincetekela cena cili nokucitika.” Lelo, ica kubalilapo, cena cilingile ukucitika *kuno* intanshi. Mwamona?

¹⁸⁶ Eico Nacipokele, noluse lonse ulo Ningakwata nauhya umuntu umunono, kabili Namuletele pamuulu nga filya. Kabili Natile, “Bushe kuti wamonapo icili conse?”

“Iyo, mukwai.”

¹⁸⁷ Atile, “Ena tatala monapo.” Oh, Nshiletontonkanya ena. . . Limbi ena tatalile amona. Nshishibe fye inshita yapitilepo apo atalile ukumona; kabili limbi tatalile. Amenso yakwe ayanono, kwati fye mipila inono iyabuuta pali yena, nga filya.

¹⁸⁸ Kabili eico Naikatilile aka kantu akanono nga *filya*, no kumupepelako. Kabili alemwentula lintu Namulekeleko. Natile, “Bushe wamona, wemutemwikwa?”

¹⁸⁹ Atile, “Ee, mukwai.” Kabili atampile ukumwentula, ifilamba ifinono fyalekonkoloka pamasaya yakwe ayanono. Akantu fye akanono, nalimo nga *filya*.

Natile, “Bushe mucine ulemona?”

Atile, “Ee, mukwai.”

¹⁹⁰ Natile, “Nomba iwe isa pano pantu Ndi, kabili nokubika umunwe obe pa mona wandi.” Kabili uyu alishile, alemwentula nga filya, kabili aishile palya no kubika umunwe wakwe pamona wandi.

Natile, “Minwe inga Njimishe?”

¹⁹¹ Atile, “Iwe ukwete isano.” Kabili na wishi wakwe alifye kwati nafwa umutombo.

Natile, “Wacilanda shani, wemutemwikwa? Minwe inga?”

¹⁹² Atile, “Iwe ukwete fye umo nomba.” Kabili ulya ali palya, uwapofula umupwilapo, apokelele ukumona kwakwe.

Oh, Ena aliwama! Cena cili—cena cintu ico teti mucetekele mupepi.

¹⁹³ Lelo, mwe banandi, Ine limbi kuti nabwela muno nshita ya bushiku. Nga Nshicitile, limbi pa Mulungu uleisa. Tamufwile ukulaba ukulongana kwesu mu Indianapolis, ukuletampa nomba.

¹⁹⁴ Lolesheni, Ninkwata icintu cimo ico Ndefwaya ukulanda ku chalichi. Yena ni mbila pa nshita. Tuli pa mpela, mwebantu. Lolesheni, lolesheni pali ifi fimyela ne fipupu. Tafyatalile afyumfwikapo. Lolesheni pa finkukuma, fyonse, icalo conse. Kabili, munyina, balelanda pa butantiko bwakufumyapo ifyanso. Cilya eco fye ciwa alefwaya. Kufibika fye pamulu apa, pakutla twingalepaula icintu conse. Ico e co fye alefwaya. Mwamona? Oh, tuleikala pamuulu webomba, kabili fyusi ili pampela.

¹⁹⁵ Ico Nacilandapo, muno lucelo, *u Mweo*, oh, iwe ufwaya ico nomutima obe onse. Ine teti . . .

¹⁹⁶ Nga mwaeba abantu ifintu ifingi nganshi, bena balafulunganishiwa kabili tabeshiba ico mulelandapo lyena, mwamona. Cena cili . . . Imwe teti mulande ku bantu . . . Icintu fye cimo pa nshita imo, e nshila iyawamisha iya kucikwatilamo. Kabili Nshikwete fye . . . Limbi ukulongana kumo, nomba kabili nomba, pamo na imwe, kabili teti Mwebe ngafintu Ndefwaya, mwamona. Kabili muba abasakanishiwa bonse nga Nafika mukumweba ifintu ifingi nganshi.

¹⁹⁷ Lelo ici cintu cimo ibukisheni, muno lucelo, fwayeni u Mweo. Oh, ufwailisheni Wena. Kwateni icilaka pali Wena. Twalilileni fye ukula Ufwaya. Mwileka nangu cimo ciminine mu nshila yenu. Fwayeni Wena.

Kabili mpaka twacita cilya, ilyo tuleya, tulingile ukucita cinshi?

Bula i Shina lyakwa Yesu pamo naifwe,
Kuwa pa nkasa Shakwe,
Imfumu ya shamfumu mu Muulu
Tukamufwika icilongwe,
Ilyo ubulendo bwesu bukapwa.

Cisuma, twiminine pa makasa yesu.

Bula i Shina lyakwa Yesu pamo naiwe,
We mwana wa bulanda kabili uwakalanda;
Likakupelo buseko,

¹⁹⁸ Nalamweba cinshi lekeni tucite. Pilibukeni fye ukushinguluka nokuposhanya amaboko no muntu umo apo, muletila, “Uli shani, munyina? Ndi uwansansa nganshi pakuba uwaishibana naiwe.”

Ishina Lisuma, (O ifyo lyawama)!
. . . kabili ukusangalala kwa Muulu;
Ishina Lisuma, (Ishina Lisuma!) O ifyo
lyawama!

Subilo lya panshi kabili ukusangalala . . .

¹⁹⁹ Nomba lolesheni kuli ulu lubali nakabili. Tuli abansansa ukuba pamo naifwe muno lucelo, Munyina George Craig ukufuma ku Arizona, umo paba bwananyina besu. Tuli abansansa ukukwata Munyina Whitney pano, ukufuma ku St. Louis. Alaba kuli Munyina Cauble muno nshita ya bushiku, mukufundisha kwa busesemo, ukufuma pa ci pepala, pa chalichi cakwa Munyina Cauble. Kabili—kabili nomba Munyina Junior Jackson ali kunuma kulya, kabili pamo na Munyina—Munyina Collins, na Munyina John O’Bannon, kabili—kabili abengi bambi bakapyunga kuno. Ifwe bonse tuli abansansa ukumimona imwe nomba.

Pe Shina lyakwa Yesu ukufukama,

Kuwa pa nkasa Shakwe,
Imfumu ya shamfumu mu Muulu
Tukamufwika icilongwe,
Lintu ubulendo bwesu bwapwa.

Ishina Lisuma, O ifyo lyawama!
Isubilo lyapa panshi kabili ukusangalala kwa
Muulu;

Ishina Lisuma, O ifyo lyawama! (O ifyo
lyawama!)

Isubilo lyapa panshi kabili ukusangalala kwa
Muulu. 

57-0602 Umweo
Branham Tabernacle
Jeffersonville, Indiana U.S.A.

BEMBA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org